





C 97

RE





17
LITEARCHIE
144
CONTRE LES

PERCITIEVX ESPRITS, LI-
belles, calomnies & Apologies naguieres
faictes par aucuns heretiques ennemis de
Dieu du Roy & des Princes chrestiens au
scandale del'Eglise Catholique Apostolique
& Romaine.

*Pour la conuersion des deuoyez restitution de
l'Estat, & assopissement de ces troubles.*

Reueüe & corrigé par les Docteurs

M. D. LXXXVII

Case
F

39

326

THE NEWBERRY
LIBRARY

1587 Li

Pourquoy ont esté les Roys & Royau-^{1.}
mes creéz & erigez article dont pro-
uient leur grâdeur & qu'elle puissance Dieu
leur a transferee. En quoy le Royaume des
hommes est comparable a celuy des cieux. ^{2.}

Combien est grande la consequence que
de laisser tomber vne souueraineté en la
main, d'un Prince autre que equitable lequel
quand il fait vne faulte ce n'est au domma-
ge d'une seule famille mais de toute vne Mo-
narchie & Chrestienté quelquefois.

Que signifie ce mot de Royaume ou Em-^{3.}
pire.

Quel rang y doibuent tenir les Princes &
membres d'iceluy & qu'elle est leur charge.

La cōparaïson d'une Monarchie infectée,^{4.}
à vn corps humain mallade, ou edifice ru-
meux & vitié, à l'un desquels est besoin du
Masson avec ses ferremens, & a l'autre le Ci-
rurgien avec son razoir ou lancette si le mé-
bre est apostumé ou pourri.

La grande imposture & calonnie faite^{5.}
à Nosseigneurs de la sainte ligne & de la
sagesse dont ils ont vsé enuers les calomnia-
teurs.

Le peu de cas que les Princes font de mes-^{6.}
disances, & comme si sont portez autrement
les Princes & Seigneurs.

Ce qu'apportent les medisances à ceux qui
qui s'en aydent, & ce qu'ils ont à considerer

S O M M A I R E.

- Le naturel des Huguenots & Ministres, de
7. qui ils sont procreez & engendrez , & ce
qu'ils ont faict

Comme par l'aduis des Saincts Docteurs
les Ministres & faux Predicans ont versé la
poison dans le Calice d'or , à sçauoir en la
Sainte escripture.

Comme les Ministres ont au tresgrand re-
gret des Catholiques empoisonné de leurs
fauses doctrines aucuns des premiers Prin-
ces du soing desquels seldict humble & affe-
ctionné subiuncteur & vassal.

8. Comme nous Catholiques recepuons par
eux toutes noz desolations & pour les cau-
ses que le Prophete Hieremie descript auoir
Hierusalem & Sion esté en leurs temps tant
affligez.

Similitude des ieunes Princes deuoyez à
vn voyageur qui ne congnoist le Pays, & qui
suit le premier mauuais sctier ou l'on la mis.

9. Qu'il n'est raisonnable de remuer sous
couleur de Religion , ou soulagement du
peuple tout vng Estat à raison de quelque
mal contentement comme a tort l'on a vou-
lu mettre sus ausdicts Seigneurs de la Sain-
cte ligne.

Que de tout temps les Rois sont en posses-
sion d'esleuer qui leur plaist par exemple des
Saintes histoires.

10. Ce que doiuent aduiser les Roys qui veul-
lent auancer & ceux qui desirent estre auan-
cez, & de la belle & louable maniere dont en

vse le Roy à present.

Les belles remonstrances que sur ce ont esté faictes par aucuns Philosophes à certains Empereurs.

Ceulx qui meritent dons & auancement, & quand les Princes peuuent ou doyuent auant aucun seruice ou merite donner & auancer.

Comme la maiesté a recongnu la prise des armes & present remuemēt occasionnez sur aultre subiect que desdicts dons ou mescontentemens.

Que ce remuemēt bien ou mal entrepris estoit de necessaire euenēment, ainsi que les entreprises Atheniennes qui auoient vne plus belle & heureuse fin que cōmancemēt.

Comme le Roy par son premier & second II. Edict sur ces occuriences en reconnoist l'heresie & nouuelle Religion seule cause & n'auoir esté entrepris chose qui ne soit aduenue du temps de Philippes Auguste. Que tous les Princes Chrestiens & Catholiques se liguerent contre les infideles & obligeois & encores de nostre temps & en l'an 1567.

Que ores que la prise des armes en ceste presente guerre ayt esté faicte au desceu du Roy n'est touteffois moins excusable ou mettable que fut enuers Iesus-Christ la hardiesse que print Sainct Pierre d'aualler l'oreille à Marchus sans commandement.

Comme nostre Sainct Pere le Pappe & le Roy nous representent Moyse & Aaron &

SOMMAIRE.

doyuent estre en fraternele vnion ainsi que ces deux Astres Iumeaux Castor & Pollux.

12. Que le droict diuin approuue pour le regard de la Religion l'antienne autorité qu'auoient ceux qui portoient tiltre de Duc lesquels pouuoient indifferément guerroyer.

Constitution de l'Empereur Frudericq redigee parmy noz loix ciuiles laquelle permet apres vne requisition & monition au Seigneur temporel s'armer contre les heretiques & s'emparer de leurs biens.

13. Que le Roy à tresprudemment Ratifié ce que ont fait & geré lesdicts Seigneurs de la Sainte ligue.

Que les Huguenots scauēt bien faire sonner hault les choses esquelles ils pēsent auoir les Catholiques tant soit peu failly & faire leurs accoustumees hostilitiez & crimes de leze Maiestē Diuine & humaine moindres que petits Atomes.

14. Les desolations & miseres que nous ont apporté depuis l'an 1560. iusques icy les Ministres & Huguenots.

15. Nosseigneurs de la Sainte ligue recongneuz vrais Mont Athlas de la Religion Catholique qu'ils ont tousiours portee sur leurs espaules comme Athlas le ciel & d'icelle reitauree.

Dont vient ce mot de Lites & pourquoy est c'est œuvre intitulé litearchie.

16. Qu'elles grandes calamitez & deplorations en l'Eglise Catholique si le Roy que

Dieu nous vueille preseruer venoit a faillir.

Que les actions & contenance d'un Roy ^{17.}
mauuaises qu'elles soient, seruent d'exemple
& sont inuitees ainsi qu'il se veoid par hi-
stoires & autoritez antiénes & modernes.

Que auparauant vne succession ou electio
royalle il fault trouuer tous moyens de ne
tomber soubz vn Prince nourricier des here-
tiques par ce que apres vne reception ny a
plus lieu de remede.

Ceux qui paruenuz aux Royaumes & Em- ^{18.}
pires ont faict grandes persecutions en l'E-
glise Chrestienne & Catholique.

Les Papes Prelats & aultres Catholiques
personnes qui ont souffert soubz eux. ^{20.}

Le grand hazard auquel nous sommes de
tomber en pareil accidens, & qu'il ne sera
plus temps dy donner ordre le mal aduenu.

Les intentions de Messieurs de la Sainte
ligue selon Dieu y procedans ainsi que c'est
ancien Thrasibule dit à l'heure.

Que permet la loy deünie d'ainsi en vser,
& de contraindre les heretiques par main
armées de reuenir à l'Eglise.

*Plutarch.
de Principe
inerudito*

*D. August.
lib. 5. cap.
2. de ciuita
de*

*Cor. Si er-
go 8. q^{ua} est.
1.*

SI nous voulons recercher l'origine de l'institution grandeur & puissance d'un Roy, & de son estat, nous les recongnoistrôs prouenir de ce grand maistre, & ouurier de nature, lequel apres auoir produict, & formé l'homme, & (comme le plus noble dentre ses creatures doué, forty, & partage d'un esprit, & ame celeste, faiët mesmes participant de sa diuinité, affin de luy donner vne pre-seance, & pouuoir sur le bel ouurage des choses que cy bas il a faiët naistre necessaire à l'vsage humain, & preueu que d'un si grand, & infiny nombre de ses dons ny auoit moyen s'en ayder, & vser droictement sans loy. Sans iustice, ne sans Prince, constitua le Royaume des hommes, auquel establit vn Roy & Prince pour exercer l'œuure de la loy, lequel il effigia au plus naïf de sa semblance, & le plus approchant de ses perfections, pour donner sa Lieutenance, & gouuernement de son peuple, le constituant en terre de mesme represantion, de lumiere qu'il a colloqué au Ciel pour vne belle marque de sa toute puissance le Soleil, & la Lune. Car pour tel est tenu, & reueré le Prince en vn Royaume, pendant qu'il à la crainte de Dieu dedans le cœur, & l'obseruation de la Iustice empreinte en son entendement. Ce que les anciens d'Egipte ont en leur temps assez recogneu, quand pour sa remembrance ilz ont depeinct vn œil avecques vn sceptre. Voullans demonstrier que le Prince est en terre

terre, ce que le Soleil au Ciel. Le Soleil disent les Philosophes est l'œil du monde, & le Prince l'œil de la multitude des hommes. Ce que l'œil est en vn corps, le Prince est vne republique: Ce que l'esprit est en l'homme, le Prince est en son Royaume: Et comme l'esprit par sagesse commande, ainsi le corps par deuoir obeist: Et quant au sceptre, c'est le signal d'une absolue, & non limite puissance, de pareille efficace, & vertu q̃ ceste verge diuine, qu'etent iadis & en main les Prophetes Moysé, & Aaron, par laquelle miraculeusement ilz alteroient, & changoient les formes, natures, & proprieté des choses apposees à veue corporelle. Ainsi peult vn Roy par force de son sceptre conuertir toutes faisons de mal en bien: Semblant à vn baston de Plerin, ou voyageur en ce qu'il sert de fourreau à vn glaiue trenchant, sans lequel est toute souueraineté manquée, & a mespris. Cousteau baillé pour retrancher, & separer le mauuais d'auecques le bon, & vser de correction, & chastiment en l'endroit des mal viuans, peruers, & obstinez. Et la gainne qui conserue sa luisante splendeur comparee au victorieux, & triomphant baston de laurier, lequel, suyuant l'aduis de Suydas, se portoit ancinnement en signe de seurété ou euasion de peril, & dont autresfois se couronna Tybere César: cōme au boys non subiect à venin, foudre: ne tempeste pour seruir de couuerture, & abry à ceux qui soubz les Loix

*Plutarch.
lib de in-
rudi. prinē.*

*Suetoni. in
vita. Tybe-
rii.*

LE PREMIER LIVRE.

Ca. non frustra & ca. regum 23. quæst. 5. de Dieu, & de son Eglise, se contenant, & soubz mettent à l'obeissance du Prince. Auquel en est la protection donnee affin (dict le Canoniste) que les bons puissent viure parmy les meschans, en repos & seureté. Lestoc doncques, & trenchent de ce glaiue ne doit estre tourné contre ceux desquels il est la defense, ny par semblable raison celuy qui la en main autrement le manier que faict celuy duquel il tient: Car, comme disent les docteurs, l'on n'est pas proche ou recullé de Dieu (qui est par tout) a raison du lieu, mais des actions d'autant que de mesme sorte que la similitude nous separe d'auecques luy aussi l'imitation nous y reunist, & conioinct. Or l'intention, & but de ceste tant admirable & supreme excellence, qui a pris sur elle mesme le modelle, & portraict du Prince n'a esté pour en faire vne statue; ou tableau immobile: Ains pour luy transferer cy bas les mesme rangs, exercices, & preeminences, que son infinie beatitude tiét la sus en son Olym-piguetrosne, ou il est assisté de toutes dominations, & ordures solemnellemét arrangees & ou luit vne tant belle glorieuse armee d'An-ges, Archanges, Patriarches, Prophe-tes, Apostres, Sainctz, Martirs, & Ames sanctifiees: Ainsi voyons nous en ce monde, par vne mesme speculation grand nombre de genereux Princes, Ducz, Contes, Seigneurs, Cheuallierschefz darmes, illustres, & specta-bles personnes chacun selon son grade, &

Ignatius.

Gregori. & Bonifac. pap. in ca. Ad hoc dist 89.

ordre ietter vne estincellante lueur au tout de ce diademe, louans & magniffians la puissance diceluy statuee, & autorisee de cest eternal; soubz laquelle les corps, les biens & la famille sont par subiection vassalle tenues de nuict, de iour, & a toutes heures, & momens remüer, bransler, & courir toutes hazardcuses fortunes. Et ny a chose qui puisse attirer les humains en plus grande admiration mieux grauer en leurs cœurs, & pensees yne Idee, & representation de l'autre mode, & cōme escriuoit Cyrillus à l'Empereur Theodose, peut augmēter la creāce des miraculeux faictz de Dieu, que la iournelle vision, & obiect de sa semblance, à qui mesme pouuoir, & mesme force sont par conference du spirituel au corporel donnees, & transferees. Car tout ainsi que ceste non mesurable bonté diuine magniffiee au cantique de la vierge scachant equitablement distribuer ses largesses. & disgraces, renuerse, & depose a veü d'œil les plus grans, exalte les plus bas, & petits, remplisse les affamez de biens, enuoye aux riches disette: esleuant, ainsi que dict le Psalmiste, de rien, & par maniere de dire, d'une bouë & fiente le pauvre, iusques a le colloquer au rang des Princes, & ceux qui ont domination sur son peuple: Ainsi peut le Monarque publicq pere de famille, par la force du pouuoir à luy de la sus attribué, faire le semblable en son esgard, & donner à ses subiects la pratique

*Cyrill. in
Apolog.
ad theod.*

psal. 137.

Diog. l. 1. c. 1.

LE PREMIER LIVRE

tant de ce que le mesme Psalmiste nous enseigne de la prouidence diuine qui regarde les choses humbles & de long reconnoist les choses hautement esleues, que de ce que dist autresfois Æsope, à vn Payen qui l'interrogeoit, que faisoit Iupiter au Ciel : Auquel respondit Æsope, qu'il y rabbaissoit ce que luy sembloit outre mesure haut, & esleuoit ce qu'il iugeoit trop bas. Ce qui se doit faire (dict saint Pierre l'Apostre) en la vengeance des maluiuans, & louange de ceux qui font bien.

1. Pet. 2.

2. Par laquelle indefinie, & Souueraine puissance, l'on void combien est grande l'importance, & seruitude, que de tomber sous la main d'un Prince qui autremēt en veut vsct, & lequel si en quelque cas il peche, ce n'est au dommage d'une seule famille, mais de toute vne Monarchie, & quelquesfois de toute la Chrestienté; Au contraire le grand heur & liberté que d'auoir a faire à vn Prince imitateur de Dieu, prudent droitement, & debonnaire. Ce qui a mou le Poete Claudianus dire.

Erasm. in
Adag aut
Rege aut
futuram

Claudian. Il est bien fort deceu qui croit en service estre,
Quand il se dict auoir vn prince pour son maistre;
Trouuer l'on ne scauroit plus grande Liberté,
Que d'estre sous au Roy remply de pieté.

3. C'Est pourquoy les bons Roys sont appellez protecteurs, & conseruateurs de

la chose publique, à eux commise, & transférée du commun, & populaire accord, & leur autorité dictée principauté, Royaume, ou Empire, que de signe vne souveraine domination, non sans cause définie par aucuns auteurs charge, & soing de la santé, & salut d'autrui, qui consiste non seulement es choses temporelles, & qui concernent les corps, & biens: Mais aussi spirituelles, & qui touchent l'ame. Pour montrer que ceste non limitée puissance est fondée sur religion, & crainte de Dieu. Laquelle souveraineté est le chef du corps Monarchiq' & publicq' les principaux membres duquel sont, par l'advis de l'Empereur Arcadius, les Princes, Pairs, & illustres Seigneurs & Officiers de la Couronne, desquels dépend tout le mouvement de ceste principauté, de laquelle ils sont les bastons, & défenses, comme aussi sont ils (dict le Psalmiste) gardes, & boucliers du peuple. A ceux là appartient de soulager leur Prince, & prendre garde au salut manutention, & conseruatiō de ce corps publicq; ainsi que a vn escheuin de ville d'auoir l'œil aux murs, & edifices cheans, & tombans en ruine, de les faire reparer, & rediffier. Comme adonc vn bastimēt redressé, & releué du costé qu'il panche, auparauant l'entiere ruine, est (dict saint Iean Chrysostome) remis sus, & contregardé iusques à vn long temps, avecques peu de peine, & de coust, & sans grand estonnement, qui autrement, & par

*Li. ff. con-
stit. princ.
C. §. sed
C. quod
princ. C.
instit.*

*Animian?
Marcellin?*

*L. Quisquis
C. ad Leg.
Iull. Maie-
stat.*

Psal. 47.

*4.
Chrysosto.
ham. 2. in
Matthe.*

LE PREMIER LIVRE

long succez porteroit ledifice par terre: Aussi vne preuene, & proche ruine, ou maladie d'un corps public peut estre deuancee par vne legere cure, sans grande emotion, ne trouble de l'estat: Ce qui a inuité le Poëte traitant de la guerison du mal de concupiscence de dire,

Onidi. lib. i. de remedio am. *preuener le mal naissant, tard l'on donne secours, Quand par loque demeure à le mal pris son cours. Confirmant son dire par ceste raison d'experience;*

Onid. eodē *vne playe i'ay veu du premier guerissable; par vn long delayer se trouuer incurable.*

Pour autre exemple dequoy, nous met deuant les yeux ceste similitude de creües d'eaus, & riuieres,

Onid. lib. eodem. *Fleues naistre en voy, de petites fontaines, Qui, peu a peu coulans, font les riuieres pleines. Inferant vne submersion, & suffocation*

par accroissement de mauuaises humeurs, faite d'une tempestiue, & opportune purgation: Par lesquelles mesmes raisons, dict autre Poëte, quant aux bastimens,

Propertius *Autant que la ruine est lente, & peu hastue, D'autant à se remesire encores plus tardue.*

Cornelius Tacitus in vit. iullii. Agricole Jani sui. *Voulant par ces vers monstrier ce que Corneliu Tacitus disoit de l'infirmité humaine laquelle reçoit plus promptement maux, que remedes. Et tout ainsi que pour la reparatiō, & refection d'un edifice vicié en quelque endroiēt de la muraille, sont necessaires le marteau, le pic, le ciseau, & les autres ferre-*

mens, & que au semblable, pour euacuer vn corps humain de mauuaifes humeurs, la seigneurie y est coustumierement requise, & necessaire, & en ce faisant le fer, & lancette: Aussi pour le reestablisement d'un estat, & Monarchie, dont vne partie des membres sont gastez, & viciez, y doiuent estre apportez le couteau, le fer, & les armes; Pour (ainsi que autres fois a esté conseillé à l'Empereur Constantin) en trancher, & couper ce qui est hors des esperance: apres (dict le Pontife Romain, avecques Ciceron) que la medecine, & la diette (qui est à dire le temporisement) ny ont rien peu apporter: Auquel cas est de besoing recourir au Cirurgien. Ce que malaisement se peut faire sans que la bonne & saine partie n'en ayt quelque sentiment, laquelle doit prendre pour payement & consolation de son mal ces quatre remonstrances de diuers auteurs. La premiere de lactance, qui nous admoneste de souffrir douleur; afin de iouir par apres de quelque chose de bon: La seconde de Bion Borestin, qui souloit dire estre vn grand mal que de ne pouuoir endurer mal, sans lequel estoit impossible d'auoir rien ny de doux ny de plaisant en ceste vie: La troiziesme du mesme Poëte qui a voulu medeciner nos maladies d'esprit disant.

Pour racheter ton corps, feu l'ancette, coter
Tu souffre & la soif qui grandement t'altère;

B iij

Georgi Sa-
binus in
Metamorp.
Can. Quia
Aliquantis
28.

Cicero. lib.
4. Epist. ad
Atticum E-
pist. 3. cōtra
Clodium

Lactant.
lib. 3. cap.

Lart. lib.
4. cap. 7.

Ouide. lib.
eodem de
remed.

LE PREMIER LIVRE.

*pour querir ton esprit beaucoup plus precieux.
si peu que rien partir miserable ne veux.*

La quatriesme de Tibulle , qui nous promet par ces vers, que,
Après plusieurs miserables iournees.

*Tibullus.
eleganti.
lib.3.*

Nous en verrons autres mieux fortunees.

Or pour concludente similitude des autres precedentes comme ce seroit improprement parler , & prendre les mots a contrepoil que d'attribuer le nom de destructeur , & demolisseur a celuy qui seroit abbattre , & mettre le pic , & marteau en vn pignon , ou partie de muraille entr'ouuerte , pourrie , & corrompue , pour la redresser , rassurer , & fortifier , & comme iniurieusement , & a tort , l'on appelleroit sanguinaire , & homicide le chirurgien , qui se seroit employé à medicamenter , & tirer le mauuais sang. Ainsi est ce vser de mesme impropriété , diametre , & obliquité en l'endroiect de ceux , qui par semblables considerations , & preuoyances auroyent voulu mettre la main à la restauration , & reestablishement de ce corps Monarchiq^e , que de les qualifier tels que Catilin , Marius , Scyller , Brutus , Cassig , & autres perturbateurs du repos publicq^e , & rebelles à la republique , & adiouster foy à ce qu'il appert en fin auoir calomnieusement esté contre eux escript , par plusieurs libelles , peintures , placcards , discours , & Apologies diffamatoires , sous le faux nom du peuple , & des Catholiques : qui ne sont , pour vray dire , que ancre , teinct à noircir ,

noircir, ou fange, dont le propre est de se ietter, & appliquer sur les plus blanches, pures, & nettes choses, afin de les denigrer, & villanner. Ne pouuât ce qui est ord, & fangeux, *Suetonius.* souiller autre subiect fangeux, & de la mesme teinture, & qualité : Ce qu'ayans ces prudens Princes, & Seigneurs sceu trop mieux considerer, en ont vſé de la façon que Tibere Cesar, qui ne volut iamais bailler de mors, & de freing aux mauuaises bouches, ne de censeurs aux escripts, & d'iceux moins encores esmeuz que ne feist iadis le Prince Philemon, des Satyriques Poësmes de *M. Claudius.* gas, contre luy en plain Theatre recitez, qui *minus in* pour toute pugnition de ceste publique mes- *emblem.* disance, feist donner à l'auteur, noix, detz, *ciat. 148.* pillas, & autres petits iouets, à passer le tēps. *de Plutar-* Pour monſtrer que de mesdire, principale- *chus in lib.* ment des grandes, sent plus son enfance que *de ira co-* virilité, & que ceux qui veulent escrire *de libenda.* tels bastons, ont quatre choses à considerer. La premiere que l'honneur des Princes est *in sub no-* (dict Phalaris) au regard du commun popu- *mine Pha-* laire, ce que la dure & intrauersable peau de *la.* l'Indien Elephant, en l'endroiect du foible *Suydas.* aiguillon de la mousche : Par laquelle semblable consideration disoit le Roy Agamēnon ne craindre Therſite, homme de basse & petite estoffe, non plus que la tortue les mousches. La seconde, que le feu ne se coupe *Diuis hier.* avec le cousteau : Par laquelle Parcémie, Sainct Hierosme, & autres autheurs nous

LE PREMIER LIVRE.

Demetrius font entendre que le courroux des grans ne
 Bizantius doit estre attainct, ne picqué par iniurieux
 & Dioge- propos. Par ce que d'autant que la flamme est
 nes Laer- soufflée, & agitée, plus elle s'escroist. La
 tius. troisieme, que comme L'arbalestier, ou Ar-
 cher qui mire son coup en l'air ne peut (dict
 Paulus 10 Sainct Paul) rien frapper que le vent. Ainsi
 Corinth. 9. celuy qui empane sa plume, ou langue de li-
 geres parolles, ou escripts, pour viser haut,
 plato de & loir, entreprend (dict Platon) vne chose
 legib. 6. qui ne le peut toucher, ne manier. La qua-
 trieme, quel'on n'en peut esperer que, ou le
 Xennius triste euencement que Mozellanus proposoit
 Mithyllani a horace, pour la liberté par luy prise en ses
 lib. 6. Satyres: Ou la honte d'estre taxé de follie, &
 tomber sous le iugement des Emperours
 Theodose, Arcadius, & honorius, qui esti-
 moyent tels actes proceder ou par legereté,
 ou par follie & fureur, ou par lubricité de
 L. Vnic. C. langue. Mais c'est le naturel des Huguenots,
 si quis imp. & Ministres semblables en cela à loyseau
 maled. d'Egypte nommé Ibis, lequel rend ses excré-
 mens par la bouche, & endroict qui doit re-
 cevoir la seule bonne nourriture, & rien ne
 souffler qui ne soit bien odorant: Ausquels
 sont en apparence les tiltres qu'ils donnent
 aux autres beaucoup plus propres, & conue-
 nables, pour en auoir à armes descouuertes
 commencé le premier exercice, & fait pro-
 fession vingt cinq, & trente ans sont. Manie-
 ensebius re de gens congneuz par leurs œuures pro-
 iustinus. creéz, & engendrez de Ate, deesse d'infortu-
 marty. &

ne (descripte par Homere pour ruyne, perdition, combustion, & desolation, & prise par les Saints Docteurs pour Lucifer iecté du Ciel) par qui nous auons esté iusques icy tant miserablement persecutez, & dont plusieurs villes, edifices, Temples, & lieux sacrez en portent encorés les rouges & flamboyantes marques, & qui a ceste occasion se pourront nommer Athees, comme notoirement sans Dieu, sans loy, sans foy, & religion, lesquels nous en neantmoins voulu par fer, par feu, & par sang planter vne faulx, & tendante à vne liberté de conscience, qui est à dire, de viure epicuriallement & de ne faire iamais aucun bon œuvre, & qui ont ainsi que dict Origen-
ne verse la poison dans le calice d'or de laquelle ils ont au tresgrand regret de nous Catholiques empoisonné aucuns des premiers Princes du sãg & leurs Peres desquels ils se sont tousiours targuez.

Et pour ressecquer l'opinion qui pourroit ietter par tout branches, & sions qu'une particuliere & inegalle affection dexterroir inuitast l'auteur de plus curieusement tra-
uailler à la decoration, & vtilité de l'un que de l'autre. Il supplie vn chacun croire que si le faict de Religion vray plain de ce scisme estoit hors de la cause, & qu'il luy commit prendre party. Il s'y trouuerroit fort empesché, pour estre vassal d'aucuns principaux des deux ligues, qui faict qu'il en discourt comme non moins Zelateur de la religion,

LE PREMIER LIVRE.

que mediateur de repos. Ou ainsi qu'un iuge mitoyant entre deux plaidans, tel que la
L. Vbi cri- voulu l'Empereur Constantin former, &
men C. ad composer, & plustost à intention de reduire
leg. Cor. de à repentance les occasionneurs du mal,
als. que pour renouueller, ou refriquer, tant les
 vieilles playes, que memoire des choses pas-
 sees, & les en rendre totalement coupables

8 Au cōtraire il en reiette la faute partie sur
 nos mauuaises consciences, pechez, & luxu-
 res pour lesquelles Hierusalem, & Sion re-
 ceurent en leur temps tant d'afflictions, &
 desolations lamentees, & descrites par le
 Prophete Hieremie : Partie sur la crudelité
 de ieunes Princes, & de leurs deuanciers,
 ausquels (vsant de la modestie, & reuerence
 telle qu'il appartient en leur endroiēt, & non
 de la façon que ces escriuains, & escolliers
 d'Archilochus Poëte picquant, ont fait con-
 tre Nosseigneurs de la Sainte ligue) impute-
 ra le deffaut, en la mesme sorte que l'ô pour-
 roit faire à vn voyageur, qui ne congnoist le
 pays qu'il trauerse, & qui arriuant à vn car-
 refour, & chemin fourché, lors ou il cuide
 prendre le bon pour tirer où il tend, il entre
 en celuy qui le destourne, & tant plus va en
 auant, il s'esslongne de son but desiré. Ainsi
 tant plus s'efforcent ces ieunes Princes d'ap-
 procher de la verité, tant plus se fouruoient
 pour auoir du commencement pris le mau-
 uais sentier, auquel les ont mis ces abomina-
 bles Ministres, & autres malings seducteurs;

Bembo A-
zola.

Cette les calomnieuses inuestiues desquels
seruira ce petit traicté, & a ceux qui ne se
veullent perdre, ou esgarer, ains choisir la
meilleure, & plus certaine part.

Non que ce soit pour donner a la sugges- *1. Regū 25.*
tion d'autrui, argument d'esmouuoir sous
couleur de religion, ou soulagement d'im-
posts, le peuple a sedition, & aucun sang es-
pâdre sans subiect, car permettre persecution
a faux tiltre, cest vrayment ce que le Prophe-
te appelle, resprendre le sang innocēt au lieu *Hierem. 7.*
sur lequel est inuoué le nom de Dieu, & *19. & 22.*
tourner, ou mettre la maison d'iceluy en ca-
uerne de briguans, Ne pour prendre en main
la cause de ceux qui par le seul mescontente-
ment, ou enuie de la prosperité des plus fa-
uoris du Roy voidroyent remuer tout vn
estat, si aucuns y auoit conduicts de ceste vo-
lonté, dont l'on ne veoid rien surquoy l'on
puisse rseoir aucun iugement ny dōner créa-
ce à ce que l'imposteur qui a faict l'Apologie
en a escrit contre Nossseigneurs de la Ligue,
D'autant que ce n'est de ce temps que les
Rois sont en possession d'esleuer qui leur
plaist, & que Dieu leur a donné ceste puis-
sance. Dequoy nous auōs exemple en Ioseph,
Naaman, Daniel, Mardochee, & autres qui
par bons, & loyaux seruices ont esté aimez,
& auancez de leurs maistres, pour lors
grans Rois de la terre, qu'ils les ont de pres
secondez: Tu seras sur ma maison (dict Pha- *Genes. 41.*
raon a Ioseph) sur tout le peuple, & pays

LE PREMIER LIVRE.

4. Regū 5.

Daniel 2.

Valerius
Maximus
lib. 4. cap.
7.

Daniel 5.

d'Égypte tant seullement de cꝑ trosne seray plus grand que toy. Adonc luy mist son anneau en la main, vn collier dor au col, feist monter au second chariot, & crier deuât luy ployez le genoil, Naam receut approchantes honneurs, & grandeurs du Roy de Syrie, Nabuchodonosor adora Daniel, haut l'esleua; luy feist grans dons, le constitua Prince, & grand Maistre sur toute Babilonne. Assuerus feist vestir Mardochee de vestemēt Royal, coronner de couronne Royale, monter sur son Cheual, & par les rues de la cité crier deuant luy, & en sa presence, Ainsi est honoré l'homme que le Roy veut honorer. Disoit Alexandre le grand de son amy Epheltion, qu'il estoit Alexandre mesmes, diuisa pareillemens sa Monarchie a ses plus nobles seruiteurs, & Cappitaines, luy encores viuant, qui tous apres sa mort obtinrent le Royaume, se coronnerent, & furent Rois: Laisant pour euitera prolixité, vn grand nombre d'hommes paruenus à merueilleuses prosperitez, par la dilection des Rois, comme Sidrach, Misach, Abdenago, & autres. Non pas que l'on vueille faire enfler de presumption ceux ausquels pourroit rire semblable felicité mōdaine, tant qu'ils ayent licence de desdaigner les Princes, & principaux mēbres de la Couronne, n'y tant rendre recommandable ceste immensité de dons, & auancemens que le donneur, & preneur soyēt le foye d'vne Monarchie, lequel quand il est trop grand en vn

corps humain il attire, & deuore toute la bõ-
ne substance: Si qu'il rend les autres parties
d'iceluy seiches, & ethiques. Par laquelle
fameliq̃ue partie, Trayã Empereur a designé
ceux qui ne se contentent descorcher le pau-
urẽ peuple, mais apres la peau leuee mangẽt
la chair iusques aux os, lesquels il appelloit
Dimouores.

*Galenus
lib. 4. de
vfu partũ
cap. 15.
Troiani
Apobregñ
in Plutare.*

Dont nous François n'auons (graces à
Dieu) subiect de doléance, tant est nostre
Prince raisonnable dispensateur, & tant il a
de parfaict iugement, pour scauoir discerner
l'excellence de son pouuoir souuerain, qui est
de faider moderement des biens, & moyens
de ses subiects ainsi que faict la Maiesté, &
fera fil (plaist a Dieu,) tousiours de bien en
mieux, d'auecques la detestable violence de
la Tyrannie qui est de tout engloutir, & qui
scait trop mieux prendre garde de ne faire
littiere des grans, ny leur donner occasion
de murmure, a la faueur de ceux qui veulent
bastir leur fortune ce qu'ils doiuent faire
(cõme croit l'auteur qu'ils font) en toute
humilité, & auecques le gré, & bienueillan-
ce d'vn chacun: Brief de telle sorte que per-
sonne ne soit malcontent, & endommagé.
Ce qui aduient quand vn seul emporte, ce
qui contenteroit beaucoup d'autres grans, &
leur oste ce qu'il leur appartient. Ou il faut
auoir souuenance des autres, & donner lieu
non seulement a l'aduis de l'Empereur Cõ-
stantin, lequel trouuoit beaucoup meilleur

Suidas.

LE PREMIER LIVRE.

que les richesses publiques feussent espandues en diuers coffres, que reservees en vn seul : mais aussi a ce que dist autrefois Agasicles a certain autre Empereur soy informât comme il pourroit estre aymé, & reueré de ses subiects. Auquel respondit le Philosophe leur commandât, & les traictant, ainsi qu'un Pere ses enfans: Parce que selon les loix humaines l'egalité, & iuste ballance d'affection

Cicer. lib. y est requise. Sinon qu'il y en ait de moins

1. Epist. ad dignes, & de plus recommandables : Ainsi

Aul. plan- que pour la viennerece enuers la republique
cium.

Ou (dit Ciceron,) l'honneur semble tel devoir estre fait, que l'on doit à gés vertueux. Néatmoins que le plus souuent sont les Princes conuiez de bien faire a aucuns, auant que l'auoir par eux merité. Ce qu'ils font quand ils congnoissent que faüte de moyes, ne peuent estre accomplis les effects de la vertu, a laquelle est la porte ouuerte par auancement de bien fait, & largesse. La belle pratique de quoy, est tât euidente és iournelles actiōs du Roy, qu'il n'est a presupposer que Messieurs de la Saincte ligue ayent sur ce pris fondement, non plus que sur plusieurs autres fausses suggestions, lesquelles quand veritables seroyent (que non, n'estant vray semblable que si miserables desseins ayent iamais germé dans leurs amies,) elles sembleroyent aux entreprises Atheniennes, qui (dict Aristophanes, mal aduisees qu'elles fussent, trouoyent tousiours vne heureuse rencontre,

Aristopha-
nes in ves-
pis.

& suc-

& succées.

Tant y a que le Roy, apres vn exacte sondement du faict, digne selon les loix d'une ratification, comme de negoce geré pour le service de Dieu, & de sa Maiesté, à congneu qu'il y auoit en ce de l'operation celeste; & n'auoir esté entrepris chose, qui n'ayt esté executée du temps du saint pere Urbain deuxiesme que par son conseil se croiserent cent mil hommes desquels fut chef Godofroy de Bouillon contre les Turcs & Sarrazins & encores du regne de Philippes Auguste, que plusieurs Princes, & Potentats Chrestiens se liguèrent; & esleurent pour chef messire Philippes de Montefort contre les Albigeois: dont sera plus amplement traité en la seconde partie de cest œuvre: à l'exemple dequoy la Noblesse François se liguâ & confedera encores nouuellement; & en l'an mil cinq cens soixante sept. Qui sont actes de genereuses, & ardente affection au bien publicq, & pareils à ceux que les histoires nous recitent d'un Conon, Timoleon, Aratus, & autres, & qui precipitez qu'ils feussent (que non) ne seroient moins excusables, que fust en l'endroiect de Iesus-Christ la hardiesse que print Sainct Pierre l'Apostre d'aualler sans commandement l'oreille à Marchus. Ioinct le serment par eux presté à nostre saint pere, lequel avecques le Roy nous representent Moyse & Aaron, ausquels

D

Tor. iii. de
Negoc gest
D. & C.
Ghaguinus
Ioan le
mare &
Gabriel
Saronay

LIVRE PREMIER

la diuine prouidence à commis le temporel
& spirituel; estant question de faict de l'une
ou le sainct Trosne, & Siege Apostolique
pretend sur le Royal du moins concurrence
de pouuoir en fraternele, & Chrestienne
vnion, telle que ces deux astres Iumeaux Ca-
stor, & Pollux nous demonstrent.

Mesmes que par disposition de droict di-
uin qui ne donne secours à celuy qu'il veoid
perir il le tue & principalement en ce qui
concerne le publicq; & la foy Chrestienne,
ou est approuuee l'ancienne autorité de
ceux qui portoiēt titre de Duc, lesquels pou-
uoient indifferen ment guerroyer: Ce que
n'entendons contre ceux qui tiennent lieu de
superiorité, & puissance Royale, ny en leur
Territoire, sans precedente requisition, &
mention au ressus de laquelle permettent
les loix Imperialles prendre les armes con-
tre les heretiques & s'emparer de leurs biens.
Et quant telles loix ne seroyent receües en
France, il ne seroit question que d'une sim-
ple faute, ou plustost oubliance prouenue de
iuste ou prompt courroux, que pourroit la
Maiesté à bon droict remectre à ceux qui ne
luy feirent oncques que tout fidele seruice,
& bien au publicq;: puis que tant d'esorbitā-
tes, ont esté remises à ceux lesquels quand
ils en ont faict coustume, & notoirement
contre l'Estat, n'ont estimé que petits atomes
moindres que cirons, les choses dont ils font

Lactanti.
lib.6.cap.

ii.

ca. si non

23 q. 4.

ca. dis

plicet & c.

Noli. quas.

1.

Frideric

imp. incōst.

nou. de sta-

tu & con-

suēt. s. si ve

ro Domi-

nus collat.

10. constit.

fin.

à present Elephans, & dont ils sont les vrais instrumens, tant les font sonner hault. Et qui par le mesme iugement qu'ils veulent asscoir contre les autres (sur vn crible seulement dict Theocrite, par ce que oculairement ils deuinent de faicts ocultes) meriteroyent peines, & punitions plus grandes que iamais n'en inuetenterent Perillus & Phalaris, pour l'enormité de leurs delutz, comme sans aucune apparente craincte de peril, comme ce luy qui panche sur nous Catholiques, & sur ceux que nous voulons rappeler à nous, si prend encores plus long traict la diuision & desunion apportee par ces faux dogmatifans.

Lesquelz ny a celuy qui ne congnoisse auoir tousiours rendu à la lubuersion de l'Estat, lequel ils ont plusieurs fois Hiuahy, & embalé. Ce que l'auteur leur mest en visiere non pour detracter de leur renommee (Car la detractiō se faict disent les Canonistes quand l'on y amene de mensonge par scandalle, & non pas quand l'on dict vray par remonstrance) Mais pour leur monstrier, & faire confesser qu'ils sefforcent non moins de faire naistre es cœurs des Catholiques pareille ingratitude contre les protecteurs que celle de laquelle les Grecs recompenserent Agamemnon de tant de traux & vigillances par luy prises à leur conseruation que de leur faire aussi comme disent Demo-

*Theocriti in
Idyllio. 3.
et Lucianus in
Pseudom.*

*Ca. Nemo.
peritorum.
11. quæst. 3.*

LIVRE PREMIER

Demonst. b. themes & Lucan. voir de la mandragore
phil. 4. l u- pour les endormir, & surprendre: Ainsi que
cianus in verra mesme vn aveugle, par le progres, tant
Tymone & de ce qui c'est passé, que de ce qui se presente.
Isillanus Ou nous deuôs auoir la praticque de ce vieil
in epist. ad Paganique prouerbe. Que a tort il accuse
calixenem. Neptune, qui faict vn second naufrage: Par
ce que leuasion du premier, aduertist de ne
plus y retourner, & se mettre à la mercy des
vagues desquelles feusmes surpris en l'an
1562. dont ny a celuy de nous qui n'ayt sou-
uenance & ce la contrition de la trame
de leurs entreprises.

Ny a pareillement celuy de nous qui ne
scache les Meandres, embracemens, & in-
uolutions d'affaires, esquelles ils ont ietté &
poussé la maiesté de la Roynie mere, & auéc
qu'elle penible, & incroyable prudence elle
a sauué de leurs griphes ce tant precieux
diademe, & les perils, & dangers que ont
courru les Chefs, & Protecteurs de la Sainte
ligne desquels a esté tousiours sa Maiesté as-
sistee: Ayâs aucuns des principaux pour s'op-
poser aux calamitez, que nous outredisoient
les persecuteurs de nostre Eglise, non seule-
ment exposé leurs vies, personnes, & biens.
Mais aussi perdu leur Pere le dessinct Sei-
gneur de Guyse Prince de bonne & immor-
telles memoire, le sang duquel a esté trai-
strement, & proditoirement respandu estant
en armes pour nostre deffense.

Lesquels a bon droit appellerons (ainsi que Ciceron faisoit les conserveurs de la republique Romaine (les pilliers Atlantides de nostre religion Catholique, laquelle ils ont de tout temps portee sur leurs espaules, comme feignent les Poëtes auoir le mont Athlas le ciel.

Si pareillement les reconnoissons pour vrais & legitimes enfans de ces bônes vieilles Lites (desquelles prend ce petit œuure son tiltre de Litearchie) figurees par Homere auoir esté enuoyees du ciel pour reparer, & restaurer les degast faicts par ceste pernitiue Deesse d'infortune *Até*.

Ny a celuy qui ne sache combien de fois ces Daimons de Ministres, & leurs agens ont faict venir la noire, & infernale nation des Scorpionistes, avecques les torches, & tisons ardans en la main pour incendier, & rauager toute la France.

Ny a celuy qui ne sache le grand nombre de Taborites, Zischees, & Heliodores voleurs & destructeurs de temples dont est parlé aux Machabees, & Sainctes Histoires, que ces pernicieux enfans de *Até* ont pèdent les troubles mis en besongne, & comme en ont gasté nostre siècle d'Atheïsme d'Apostasie, & de toute autre corruption.

Ny à celuy qui ne sache les semes faux bruits, & calomnies que ces malings ont faict en Court pour rendre odieux au Roy

*Cicer. pro l.
flacco &
pro idoneo
sua & Am
mianus
Marcelli-
nus.*

*Dont viê
ce moi de
Litearchie
tiltre du li-
ure.*

*Ceste natiō
est interpre
tee par leā
Lictēberger
Astreno.
Encas Syl-
uus.*

*Matth. 9.
2. Machab.
10.*

LIVRE PREMIER

ceux qui pour le seruice de Dieu, & de sa Maieſté leur auoyent fait teste, & comme pour plus aisement entrer sur nous, ils ont voulu mettre la rage sus aux meilleurs chiens de nostre bergerie, & mesmes au tres-vertueux, tres-venerable, & tresillustre oncle de leurs chefs, & Seigneurs, lesquels eux porteurs de ceste maladie ont a nostre tres-grād deuil touchez, & souillez par leurs boueuses, & contagieuses paroles.

*Ignatius
Episcopus
ad Anthio.
Cyprianus
ad inbala-
num, Chry.
homilia 26.
2. expos. in
Matth.*

Ny a celuy qui ne scache comme pour tousiours affoiblir nostre party, & se venger de noz voisins qui nous ont secouru au plus fort de noz persecutions, ils nous ont, & cōtre tous les Princes Catholiques voulu armer, & vser de nous comme fait le singe (duquel les saincts Docteurs leur attribuent la semblance) qui tire les pommes, poires, & chastaignes de la braize avec les pattes du chien, ou leurier, & au milieu d'une paix vniuerselle mis aux champs, & en armes toutes les nations Françoise.

*erasm. in
Chiliad.*

Ny a celuy qui ne scache cōme à leur seule occasion tous habitans de villes ont perdu leurs anciennes libertez, & depuis l'an 1562. Iusques a huy esté commandez par gouuerneurs particuliers, establiz en toutes les places, & mesmes au cœur du Royaume duquel ils ont esté l'oppression & ruyne comme la multitude d'iceux perdit, & ruina autresfois toute la carie: Ny a aussi celuy de nous

qui ne scache que pour subuenir aux grans frais de la guerre, ilz ont non seulement occasionné en ce Royaume les daces, & augmentations de gabelles, & subdites & la chairté qui se veoid sur les viures, mais aussi la venalité, & multiplicité d'offices, ainsi que du regne de Tarquinius Priscus.

N'y a celuy de nous qui ne scache que depuis la communauté, & conionction de ceste Maratre, & nouvelle secte avecques la nostre, toute deuotion enuers Dieu & ses Saincts, toute humilité des petits enuers les grâs, toute fidelle obeissance des subiects, & seruiteurs leurs Seigneurs & Maistres, tout respect du Citoyen & Iurisdiciable au Magistrats tout charitable debuoir du voisin au voisin, & la pudique foy tant de plusieurs Monialles enuers Dieu (auquel ces sacrileges & Apostats les ont rauyes) que de plusieurs femmes enuers leurs maris, brief toutes candides vertus ont esté enuoyees a val, & submergees, ainsi que la pauvre Hellé dâs la mer qu'elle a faict surnommer Hellespôte, fuyant avecques son frere Phrix, la cruaulté de sa Nonerque Ino, & que depuis l'introisement de ceste damnee, & reprouuee religion plusieurs meschans dissimulez, & incertaine de foy, & de loy se sont éseminens lieux esleuez, & faict (dict le sage) cacher les bons, ainsi que faict vn espais brouillart d'yeuer, le soleil.

*Ioan. lepre.
de Magist.
Rom. &
Tit. Lxi.*

LIVRE PREMIER

N'y a celuy qui ne sçache comme ceste Monarchie premierement soustenue par quatre fraternelles colonnes de l'ouillage du feu tresmagnanime, & tresdebonnaire Henry deternelle memoire (que Dieu absolue, oste de ce monde, par les mains meurdrieres d'un des sectaires) est deuenue premierement à trois, puis à deux, & maintenant à vne seule. Et les desolemens, miseres, & malheurs que nous cause le defaut de la premiere de ces quatre qui fut la perte que fismes dans Orleans du tant genereux, & affectionné lieutenant temporel de Dieu, François de Vallois, dont vint l'enfantement de noz maux, qui feist leuer les cornes à noz limassons ennemis.

Ny a celuy qui ne sçache la ruine derniere qui nous arriuerroit, si tans estions du ciel disgraciez, que nostre bon Roy (auquel Dieu vueille donner autant de vie qu'ent oncqu's Nestor) venoit maintenant à faillir & laissoit la France effrichee, & non ensemencee du bon plants & germé des valeureux Vallois. Qui est celuy de nous qui en ce sentiment n'apprehende tel piteux, & horrible eueneuement, & qui parle pulullement de ceste abominable heresie, ne prauoye l'vniuerselle euerfion de l'Eglise Catholique, & Romaine.

Qui de nous ne se propose vn dur cruel, & insupportable cylindre, & changement, duquel

quel le mal present de noz confreres, & cō-
catholiques voisins fuitifs (sous la seule
domination d'une femme qu'ils soient) nous
doit suggerer argument de preuoiance, &
faire considerer que tous suiets sont con-
traincts prendre exemple, & conformité
aux actions de leur Roy mauuaises qu'elles
soient ainsi que le nous enseigne le comique
traictant du captif, quand il dict,
Tous indignes que soient les actes du Seigneur.
Pour dignes il les faut auoir au seruiteur.

*plautus in
raptus.*

33
33

L'experience dequoy se list en l'histoire
des *Æthiopiens* qui tant zeloient, & affe-
ctionnoient la ressemblance, & imitation de
leur Prince que s'il estoit blessé, ou mallade
en quelque partie du corps, au mesme en-
droict ils se n'auroient, ou douloient. Le
semblable nous est tesmoigné par les Au-
theurs des Courtisans du regne de Alexan-
dre le grand, & du Roy d'Aragon, lesquels
clinoient, & tournoient le col pour complai-
re à leurs Roys, qui naturellement auoient
le col tors. Aquoy faict *Textor* allusion, quād
parlant du Courtisan adulateur il dict, que si
au plus haut de la canicule, & chaleur de
l'Esté le Prince vueille dire qu'il faict froid,
le courtisan maintiendra qu'il faict froid, &
si en la saison de la souffleglace Bize, & du
plus estraignant froid le Roy dict qu'il faict
chaud, le courtisan dira quand & quand
qu'il faict chud.

*Bodinus
lib. 4. de
Rep.*

*Textor in
epist.*

LIVRE PREMIER.

Icy voyons de tresbelle instructions pour apprendre que les Rois sont sans contradictions, voyers en leurs plus grandes erreurs, & refuceries (fils en ont) & que deuons auant vne Royale succession preueoir, & par tous moyens donner ordre de ne tomber sous la main d'un nourricier des hereticques, & publicqs ennemis, d'autant que par les lois des Rois, & Empereurs, il n'est apres leur reception permis iuger, ou disputer de leurs administrations. Car comme dict certain autheur.

Ex autho-
re.

Il ne fait bon de parler, ou escrire.

Contre ceux-là qui ont droit de prescrire.

„ Et est comme vn sacrilege de faire doubte,

„ si celuy qui est paruenue a telles souueraine-

L. disputa- tez est digne, ou non: N'estant plus temps d'y
ri c. crimine cercher autre remede que la patience, Ainsi
sacrilegij. que nous tesmoigne, autre Poëte par ces
vers.

Le mal venu il le faut endurer,

Bon gré mal gré, rien ne sert murmurer,

Mais parauant qu'il vienne, l'homme sage

Peut par conseil deuancer son dommage.

Les licites moyens de laquelle preoccupation, & deuancement se traicteront en la troisieme partie de c'est oeuvre, contre les Apocriphes Axiomes de l'Apologie susdicte.

Cependant seront aduertis tirer experience de ceux qui iadis paruenus aux regnes, & Empires ont commis tant d'execrables indignitez en l'endroiect de l'Eglise Chrestienne,

& leurs Catholiques subiects : Comme de Leon Armenien qui a sa conqueste des Bulgares fait effacer , & abbatre les ymages , & remembrances des Saints.

Theophile aussi Empereur qui tât les eust en horreur que non seulement il les feist briser , & destruire mais aussi mettre a mort ceux qui deuotieusement les visitoyent.

Neron qui durant son Regne expila , & despouilla toutes les reliques , & ecclesiastiques ornemens de l'Asie , & Achaye.

Trayan qui fist mourir le Pape Clement troisieme , Simon Ierosolimitain , & Ignace Antiochene Euesques ,

Othoman qui a la prise de Cōstantinople exposa les ossemens des Saints , & Martirs aux chiens , & derisoirement fait recrucifier l'effigie de nostre redempteur : Geuseriq Roy des Vandalles qui lors qu'il eust par sa conqueste domination sur carthage homicide , & occist tous les Citoyens , voila , & spolia de tous les vases , ioyaux , & richesses des Eglises , & y fist ses chevaux establer.

A l'exemple duquel Decie , Valerian , Diocletian & Constantin le grand (cōuert y puis apres par le Pape Saint Syluestre) pendant leurs Regnes firent martiriser & mourir Saint Fabian , Saint Cornille , Saint Sixte , Saint Marcellin , & Saint Milchiades Papes ensemble nôbre merueilleux de Saints , & Saintes , comme Saint , Laurens , Saint

Macrobius

*platina de
vita Pon-
tifici.*

*Iean le
Maire.*

LIVRE PREMIER.

Crespinian, Sainct Sebastien, Sainct Blaise, Sainct Maurice, avecques la legion de Thebes, Sainct Vincent, Saincte Agathe, Saincte Agnes, Saincte Barbe, Saincte Catherine, Saincte Marguerite, & plusieurs autres, iufques a dixsept mil en vn seul mois, si que nostre Loy fut presque du tout estaincte en la grande Bretagne qu'on dit maintenant Angleterre (de present au meisme estat) & en Gaulle que ores l'on nomme France, & les liures de nostre foy par tout bruslez.

¹⁹ Ne peuuét nier les Ministres, & leurs agés qu'ils n'en ayent autant fait pendant les troubles, & Guerres ciuilles Spectacles que nous sommes en aussi grand danger que iamais de reueoir, & qui pis de rechcoir pour vn dernier, & irremediable coup en la plus grande Atearchie, & combustion publique qui ait de toute memoire esté? Est il question d'attendre a recourir aux remedes, le mal adu? Aller au Conseil nostre cause dit l'Empereur Iustinian, nauree a mort & perdue. Aller au Medecin lors de la sepulture? couvrir à leau apres vn entier embrasement, & estédre de nos larmes la cendre de tant de beaux temples, Monasteres & sacrez edifices? Dormiròs nous l'ennemy a la porte? Banqueteròs nous le feu calquetant sur la conuerture de nos maisons? Iouerons nous le volleur fouillant dans nos coffres? Danserons nous le Loup entrant en nostre bergerie? Quelle hôte nous

*L. vet. c. in
quibus
caus. rest in
integr.*

donneroit nostre prosperité, mesmes nos aduersaires de nous estre si nonchalamment, & incurieusement laissez priuer de la fruitiõ de tant de lieux de sainteté, deuotion, & aumosnes, & ou est l'Asil refuge, & retraicte des sectateurs, & amateurs de contemplatiõ, ieunes, & prieres? Que deuendront tant de Religieux, & Religieuses qui ont quité leurs droiçts successifs, & biens mondains pour vacquer a telles bonnes œuures, & qui n'en ont autres appris? O ce mal aduenant, mer & Iliade de maux : Iliade pourrions bien dire car Ilion sur lequel fut bastie l'antiëne Troye a souffert partië de telles desolations? O miserable France, pourroyent les autres Catholiques, & voisines natiõs exclamer auecques le Prophete Ieremie) qui auois autant de dieux, & de sectes que de Cités, & mis les autels de confusion selon le nombre des rues pour sacrifier a Baal maintenant a bõ droiçt destruiëte, & renuersee? ô desordre des desordres, ô confusion des confusions! ô chars des chars! ô dedale des dedales! ô labirynthe des labirynthes ou imprudemment entrieriõs. si n'y estoit pourueu, & si nostre bon Roy ne deffendoit ses subiects contre les embusches, & fallaces de ces Penthees & Introduceurs de nouuelles doctrines, à l'extirpation desquelles ayant sa Maiesté ia bien cõmuncé, & procedé par ses edicts de reünion de ses subiects a l'Eglise Catholique, Apo-

Hierem. II.

LIVRE. PREMIER

stolique, & Romaine & restrinction des six
mois il luy plaira n'estre desineu de ceste
saincte inspiratiō pour respect de parentelle
amitiē, ou cōcurrence quelcōque & tant que
Zenodorus sa Maieftéains vser icy pourra respirer l'ho-
stie d'Agamnennō qui fut cōtrainct de sacri-
fier sa fille Iphigema au port de Aulide : Et
à Nosseigneurs de la saincte ligue de ne par-
tister aux calomnies murmures, & mauuai-
ses recognoissances tant des adherans aux
deuoyez, que de certains hommes doubles,
ou pusillanimes pretendās les vns ce remue-
ment faiēt intempestiuement & auoient ter-
me les autres deuor estre en vne republique
la liberte de conscience toleree (dont sera
traictē en la seconde partie ou nous allons
entrer) Ains auoir esgard au dire du Philo-
Seneca
Philosoph.
epist. lib. ii. sophe Senecque: Qu'il ne faut apres vne
mauuaise cuillette & ingratitude de terre,
laisser à semer & mettre la main ouuriere au
travail propre & necessaire à l'homme & de
telle cōsequence que celuy qui se presente,
& qui concerne le salut commun de chacun
fidelle seruiteur de Dieu, & de son Eglise
Catholique.

Les bons protecteurs de laquelle de-
meureront malgré tout, calomnieux impro-
pere en opinion de pouuoir dire auecques
le Psalmiste, & chacun des plus grans en son
Psal. 139. particulier. Seigneur non Dieu tu n'as fondē
iusques au plus profond de l'ame, & cōgneu

mapensée, pris garde à mon marcher, suiuy la trace de mes pas, & explore mes destroits, & sentiers qui ne tont esté incongneuz. Protestant Dauid par le discours de son hymne n'affecter aucunement le Royaume de Saül, & ne le guerroyer a autres fins que pour oster du meilleu le persecuteur, & sanguinaire. Paroistront lesdicts Seigneurs y auoir candidement procedé, & n'estre ce remuement éclos de particulieres vengeance, & querelles ne pour vouloir forcer, ou embles les droicts, & fortunes d'autrui. Scachant trop mieux considerer qu'il seroit en ce cas (ainsi que disoit l'Empereur Iustinian) tres-inhumain de charger, & greuer celuy qui est hors de cause, & sans coulpe, comme le pauvre peuple, lequel seul porte la pesanteur de tant de miserables occurrences. Si monstrent en fin n'auoir entrepris chose, qui ne tende apres le seruice de Dieu, & du Roy au repos salut, & seurété tant des deuoyez que de nous. Et de pareille intention, que celle de cest ancien Thrasibule Athenien, qui apres auoir pris les armes, & combattu pour le bien publicque de la Patrie, & icelle liberee de peril proposa (afin de donner a congnoistre ny auoir esté conduict par animosité) non seulement de recevoir à mercy les oppresseurs, mais aussi de faire vne loy d'abolition, & oubliance nommee.

Amyrstia pour en fin ainsi que dict le Pro- *casiod.*

LIVRE. PREMIER

phete Esaye conuertir les armes, & cousteaux en focs de charrue, & les lances, & pertuisannes en faussilles, à effect de couper le bled, & l'herbe, & nous reduire tous à noz premieres œuures, premiere Religion, & premiere forme de viure, sous vn mesme Dieu, sous vn mesme Roy, sous vne mesme foy, & sous vne mesme loy.

Ca. Nimiū
vsque ad
fin. 23. qu.
4.

Aquoy permet le droict diuin contraindre de main armee ceux qui s'en sont distraits ainsi que ce verra par les exemples & autoritez des saincts Prophetes discourües en la partic ensuiuante.

SECONDE PARTIE

Sommaire.

- 1 EN qu'elle recommandation les anciens lauoient la guerre les grands effects d'icelle & comme ils l'estimoient quelques fois plus vtile que la paix.
- 2 Les poincts & moyens par lesquels vne guerre peut estre dicte iuste,
Que celle qui se faiet contre les heretiques est entre toutes les plus recommandable & comme ceux lesquels y laissent la vie pour nostre foy sont sauuez.
- 4 Comme en ceste presente guerre nous auons en teste deux sortes d'ennemis, le huguenot,

guenot, & le factieux Catholique adheré au huguenot, ainsi auons nous parmy nous, deux manieres de gens a craindre, assauoir celuy qui temporisans se dit Politique, & celuy qui est double & neütre.

Quelle loy feit autrefois Soló legislateur contre telle maniere de gens, & ce que Ciceron en disoit.

Que lesdicts faux Politiques & doubles hommes sont fort à craindre és republiques Cours & Palais des Rois.

Que la conuiuence apporte quelquesfois de grans & incurables maux, pareillement les lentes punitions.

Que les Politiques & doubles hommes de ce temps ont a considerer qu'en petits momens se font grandes inclinations de temps principalement en faict d'estat.

Que le temporisement ne faict que nourrir & fortifier l'ennemy de la cheure Dalcia qui fut deuoree par le louueteau qu'elle auoit nourri & alettre, & comme il ne faut donner nourriture a la puissance & grandeur de ceux qui peüent vn iour opprimer la republique & iustice.

Comme appellent les Autheurs le timide temporisement & patience.

Quand est le temporisement à propos.

Quand & avecques quelles considerations il se faut hasarder & mettre au peril.

Responce a ceux qui ont voulu arguer ce-

LIVRE SECOND.

ste presente guerre d'intempestiue hastiueté.

Que toutes bonnes entreprises doiuent estre promptement executees de peur d'un decclement a l'ennemy.

Que l'on ne doit guerroyer sinon en cas d'extreme necessité & pour se deliurer de honte, ou seruitude, ou peril a venir.

Que c'est vne grande subiection, peril & seruitude que de souffrir l'exercice de deux diuerfes religions pour l'incomparabilité desquelles se font de tous temps faicts grans remuemens & guerres ciuilles.

9 Guerres faictes du temps de Moyse, Samuel, Iuda, Afa & autres Roys Pontifes & Prophetes contre les infidelles & idolatres qu'ils tueoyent & lapidoient de leurs propres mains.

Autres guerres, & remuemens pour le meisme faict de religion, du temps de Constantin Valentinian, Gratian, Theodose, & autres Empereurs Romains lesquelz faisoient exemplairement mourir les heretiques.

Encores autres guerres du regne de Clouis Charles Martel, Charles le Grand, Philippes Auguste, & Loys son successeur contre les Gotz, Arriens, Vandales, Sarrafins, & Albigeois persecuteurs de l'Eglise Catholique.

10 Grandes armes & batailles dressees & données au grand hazard de la France pour en chasser les heretiques ou telle fois estoient cent heretiques contre dix Catholiques, cō-

me en la guerre des Albigeois que messire Simon de Montefort chef de la ligue & armee Catholique soustint avecques dix mil hommes celle du Roy d'Aragon qui se montoit environ de cent mil.

Le Roy Daragon tué en ceste bataille donnée deuant Muret, dix huiet mil heretiques deffaits, & le surplus mis en route sans que ledict conte de Montfort perdist plus de huiet gens de pied & vn Cheualier. Lors de laquelle bataille estoient plusieurs Euesques Prelatz & Abbez en prieres avecques la croix en nostre armee.

Comme apres ladicte bataille fut la Croisade apportee en France par le legat du Pape innocent, & comme venoient de toute nation pelerins croisez au secours des Catholiques.

Sept poincts en l'histoire de ladicte guerre des Albigeois remercables & qui se peuuent tant rapporter que seruir aux guerres presentes & comme le Roy Loys successeur de Philippes Auguste se croisa ensemble tous les Officiers de la Couronne.

Comme par le Concille de Latran les biens du conte de Tholose heretique furent adiugez au conte de Montefort & les biens des autres heretiques declarez confisque. Et en iceluy concille ordonné que les Catholiques qui se croyseroient pour exterminer les heretiques iouiroient du semblable priuilege

LIVRE SECONDE.

que ceux qui vont à la defense de la terre sainte contre les Turcs.

Que ledict Conte de Tholose reuint au giron de l'Eglise Catholique pour recouurer ses biens, & côme il fut apres relaps & grãd persecuteur.

Comme nonobstant qu'il se feust recongneu à sa mort ne peut neantmoins le ieune Conte son fils Catholique qu'il fust deuenu auoir permission de le faire ensepulturer en terre sainte; Au moien qu'il auoit esté excômunie & par le concille esté déclaré rebelle.

12 Raïsons pour lesquelles deux diuerses religions ne peuuent compartir & que la liberté de conscience ne doit estre permise. Que celuy qui ne veut viure en la religion de son Prince est estranger, & ennemy & ne doit estre tenu pour regnicole.

Que la totérance de diuerses religions n'apportent que coniurations & & conspiratiōs cōtre l'Estat & le beau suiet que c'est pour mettre le pied en vne Principauté.

14 Histoires de deux freres fils d'un marchāt despisceries du Royaume de Dara qui sous le manteau de religion & de restabliir en Mauritaine l'ancienne foy de Mahomet semparerent na pas long temps de plusieurs amples Royaumes par les moyens y discou-
ruz.

15 Autre histoire des liures de Nama Pompilius trouuez apres sa mort par lesquels il

reprouvoit les faux dieux des Romains qui nonobstant leurs belles & saintes doctrines furent par l'aduis du Senat bruslez de peur de rien innouer & changer tout en la religion que l'estat.

Remonstrance au Roy de Nauarre des hazards auxquels ils se mettent , & comme ses plus proches luy romproyent la paille & quieteroyent sa religion, si se presentoit occasion de pouoir regner, pour laquelle cupidité se sont de tout temps faicts infinis meurdres, & assassinats, voire en tous les plus proches degrez de consanguinité selon les exemples y recitez.

Responſe a cè que les Polonnois, Suisses, & Allemands admettent toutes sortes de Religions qui ne tendent qu'a vne Anarchie & destruction de Monarchie.

Responſe a ce que l'Empereur Gratian qui estoit Catholique a permis la diuersité de sectes.

Comme les saintes lettres, & Saints, Apostres nous deffendent la conuersatiõ des heretiques & infidelles, & nous commandent de preferer verité a paix, avecques les raisons pour lesquelles vne forte guerre est plus certaine qu'une foible paix, nourrie de deffiances

Responſe a ceux qui obiecteront que tant de guerres, carnages, & executions de iustice qui se sont faicts depuis le Christianisme iusques au temps present, n'ont peu d'esraci-

LIVRE SECOND

ner les Scismes, & Heresies, & a ce qu'il faudroit faire estat de viure tousiours en trouble avecques plusieurs consolatoires raisons pour lesquelles est nostre Eglise Catholique tousiours militante.

- 21 Qu'il est tresnecessaire preueoir a la conseruation de ladicte Eglise Catholique, & question de l'entiere extermination de l'une ou l'autre religion sans s'en pouuoir garantir que par la force.

SECONDE PARTIE.

*Ex Henric.
Cor. Agrip
pa cap. de
ant. muta.* Il n'y a doute que de prime face, & ouuerture c'est escrit ne fascine, & decoiue la veüe a plusieurs, & qu'il ne semble plus es-carlaté de sang humain, que ne furent oncques les loix Dracomennes : Que au lieu de sonner la retraicte, Il soit veu souffler en la

*Philib. 7.
et 12.* Sourdine vne chaude alarme, & battre aux champs le Tambour. Que au lieu d'estre ambassadeur de paix, il soit le heraut d'armes pour anoncer la guerre, reproche autres fois faict par Marc Anthoine a Ciceron, qui soustenoit auoir Herculez par guerriers exploits monté au Ciel : dont Scipion L'affricain se vantoit auoir trouué le chemin, par le sang, & meurdre des Rommains ennemis. Proposition qui Ethnique qu'elle soit ; peut (ainsi qu'esperons cy apres monstrier) auoir lieu en faict de iuste guerre, de laquelle (puisque a la

*Ennius
Poet. de sa.
Afric.*

mauvaise heure le sui e&t y est disposé) en sera maintenant discouru, & d'autre intention que non pas es excitatifs Poëme de ce Grec Tyrtée, ne que Valere le grand là extollee par l'annexement, & conqueste de l'Italie à l'Empire Romain, & domination sur plusieurs amples Prouinces, villes, Royaumes, & puissantes nations quād il à voulu maintenir que par lart d'icelle auoient esté les detroits des mers ouuerte, leurs vray, & gouffes congneuz, les empeschans r. mparts, & fortrefesses du mont Taurus surmontez, & les clostures rompues, & arrachees, Que par la dilligente conduicte de cest art ont esté les Royaumes, & Empires establiz. Et au contraire par la negligence d'iceluy les plus grands Monarques, & Potentatz perduz & renuersez : Qui plus les choses mesmes dict Theoderet nous apprend que la guerre nous est beaucoup plus vtile que la paix d'autant que nous qui sommes delicats volontiers deuenons lasches & couards en temps de paix ou la guerre nous aguise communement l'esprit & nous sollicite de mespriser les choses presentes comme celle qui ne fait que passer: Sur lequel sablonneux plan ne voullant du tout asseoir les pillotiz de nostre edifice, chercherons vn plus solide, & ferme Roc de Chrestienne raison par laquelle puissions vne chose tant dure, & cruelle rendre iuste, & equitable.

Plato I. de
Legibus.

Theoderet
apud inst.
Trip ar lib.
10. cap. 33.

LIVRE SECOND.

Ca. iulia. Or appellent les Canonistes vne guerre iu-
11. quæst. 3. ste. Premièrement pour le regard de celuy,
 qui par souuerain, & ordinaire pouuoir l'é-
Cap Quid treprend, & commande. En second lieu pour
culpar. 23 le regard de celuy qui comme vray suiet
quæst. 1. & doit obeissance à son Prince naturel. En tiers
ca. conuen. luy pour le regard de celuy cōtre lequel l'on
qu. 8. Ca. se veut armer. Et en quatriesme lieu pour le
ult. 23. hu. regard du faict & motif d'icelle: Comme
2. & cōtre les heretiques & infidelles (laquelle est
Ca. cum meritoire) Comme pour repoulsier & venger
homo. 23. q. vne iniure publique. Comme pour re primer
ca. omniū l'audace des mēschans affin de supporter &
23. q. 5. maintenir la simplicité des bons & acquerir
 repos. La plus recommandable desquelles est
 celle qui se faict contre les heretiques & de-
Ca. omniū fense de l'Eglise laquelle met au rang des
23. q. 5. bien heureux & sauluez ceux lesquels y lais-
 sent la vie.

Et premier que d'entrer en champ clos il
 n'est seulemēt questiō de sçauoir a qui auons
 à faire mais aussi qu'elz nous pensons auoir
 de nostre costé. Car tout ainsi que cuydons
 auoir en teste deux sortes d'ennemis l'un le
 huguenot l'autre le Catholique factieux ad-
 heré au huguenot aussi auons nous deux
 manieres d'hommes à noz aisles. L'un le
 Politique qui crainct d'aticiper le terme de
 vie & faire perte. L'autre le neutre ou
 double qui d'une part, & d'autre communi-
 que pour faire dextrement ses affaires. Espece
 de

de gens lesquels Alciat à figurez par le Ves-
 pertilion, & chauuesfourriz, qui ores qu'elle
 volle comme l'oyseau & marche comme la
 beste à quatre pieds, n'est neantmoins mise
 au nombre ny des quadrupedes, ny vollatil-
 les. Et qui sont semblables à ce Metius Suffe-
 rius Duc d'Albanie, que de ceste façon en-
 dommaga fort l'estat Romain; & Albanois.
 Contre laquelle sorte de gens, ce grand Le-
 gislateur Solon feist autresfois ceste bien ad-
 uisee loy: Que celuy qui en vne ciuille sedi-
 tio, & deux dissemblables, & diuisees sectes,
 ne tiendrait l'un ou l'autre party, il feust pri-
 ué, & despouillé de tous ses biens prerogati-
 ues, & honneurs, & perpetuellement banny.
 Par laquelle loy tant s'en falloit que le dis-
 cord reallumast que à l'instant il s'appaioit.
 Par ce que ceste maniere d'hommes Andro-
 gines, & doubles engédroient par leurs deux
 natures vn rendoublement de maux, en ce
 qu'ils estoient neutres referendaires, & que
 à leur occasion chacun costé soustenoit, &
 opiniastroit, s'asseurant auoir pour soy ce
 tiers genre d'hommes, qui voyans leurs com-
 pagnons en affaire tiennent leurs mains au
 seing, ou à la ceinture, & ne veulent estre de
 la partie, s'ils ne la congnoissent trop plus
 auantageuse pour eux, & hors tout hazard.
 À la destruction, & amortement desquels vou-
 lut en son temps Cicéron, que tous Citoyens
 portassent au front la marque, de ce qu'ils

*Aleratus
in emblemis*

*Claudius
Mihos in
eodem em-
blem.*

*Bembo A-
Zolan.*

*Cic. in act.
in catilm.*

LIVRE SECOND.

*Cic. lib. de
oratore.*

Tit. 1.3.

*Diuus Cy-
pria. ferm.
de seum &
rentat.*

*Plutarchus
lib. de inui-
dia & eod.*

*Regisippus.
lib. histo.*

Ecclesj.

auoient dans l'esprit, & volonté. A ce que en
telle miserable, & intestine guerre, apperte-
ment ils declarassent ce qu'ils en pensoient,
& desquels ils vouloient estre. Que si les loix
humaines ont voulu segreger de toute com-
munité, & Citoiennité ces faux Politiques &
doubles hommes (qui comme iadis les Athe-
niens scauent bien ce qui est de raison & a
faire mais ne le font pas) les escriptures Sain-
ctes n'en ont pas moins ordonné les appel-
lans faux freres, tristes, hippocrites, parrois,
& sepulchres, reblanchiz, & tels que Sainct
Pierre l'Apostre a descript le prestre Ananias
qui (comme dict Sainct Cyprian) sottellemēt
punayz en leur hippocrisie qu'ils aymēt trop
mieux seruir d's choses puantes, que des bō-
nes & suauēs odeurs, qui estiment les choses
precieuses villes, & les douces aspres, qui
selon le dire de Plutarque portent speciale-
ment enuie à ceux qui leur semblēt vertueux
& courageux, ainsi que Ananias & Saphira à
Sainct Pierre l'Apostre duquel ils estoient
grans ennemis & qui comme ceux lesquels
occupent les chambres mitoyantes d'un lo-
gis endurent la poussiere de ceux qui tiennēt
le dessus, & la fumee de ceux qui sont au des-
soubz. Car les victorieux les mettent par
mespris soubz le pied, & les vaincus obscur-
cissent, & enfument leur reputation.

Ne laissent toutesfois d'estre trefdange-
reux en vne charge publique, & encores plus

és Courts & Pallais des Roys, ou pour authoriser le vice, & establir la conuiuence, proposent ne deuoir estre les infections, & ordures remuees de peur dy amener la puanteur. Et ce pendant faute d'une fréquente repurgation, & de les oste à mesure qu'elles se concreent, les voyent multiplier iusques à vn si grand tas, & amas, qu'une republique est tout à coup assaillie de mauuais air, & peste si violente qu'il n'y a plus lieu, que pour la mesme peste, pour la mesme maladie, & pour le mesme vomissement du pays, par lesquels mots Plutarque a designé Aristion, Nabis & Catilma ennemis du salut & repos publique de Romme.

Pour la prompte & incessante mondification desquelles ciuilles putrefactions ce tant disert ouurier à regir & manier vne Republique Ciceron ainsi descript par Saint Augustin remonstra au Senat Romain les grandes inclinations de temps qui en petits momens se faisoient au faict d'estat & de guerre ou vn seul iour & vne seule heure apportoyent de grandes & incurables playes. Ce que nous dirons tant a ces gens vestus de robbe double & a deux enuers qui ne peuent dict Esaïe estre de quelque part que ce soit congneuz, ny abordez, que a ces modernes politiques & professeurs de perpetuel temporisement, lesquels font contenance de vouloir imiter ce

Cicer. . hi-
lippus 5.
Or 6.

Esaie 6. Or
Ecclesiast.

Quintus Fabius Maximus

LIVRE SECOND.

qui de ceste façon deffist Hannibal. Ne discernans les temps de patienter lesquels se prennent mal a propos quand l'on a pour soy la faueur des armes & de la force. Ou il n'est dict certain lirique Poète Grec question de flechir ou procrastiner & differer. Par ce que c'est nourrir & fortifier son ennemy, & s'appelle cela faire la Vache ou la Cheure dont parle Alciat laquelle alette le louueteau qui deueni grand la deuore. Par laquelle figure Valere nous enseigne ne deuoir estre donnee nourriture a la force & puissance qui peut vn iour les loix opprimer, & qui ne se pourroit vaincre ou combattre que auecques le tresgrand dommage & peril de la Republique ce qu'entendrons des ennemis de nostre Eglise & de l'estat.

- 6 Autres auteurs ont surnommé ceste patience vertu defaillante, autres foibles & debile constance, & autres vne pusilanimité laquelle recongneut autresfois Hercules Oetheus seule cause de sa ruine cōme nous tesmoignent ces vers du Poète Tragique esquels il induit ce desesperé ainsi se complaignant de son peu de courage contre le petit nombre de ses ennemis.

Seneca in
Hercule
oetheo.

Deffait & suis & vaincu sans ennemy auoir
Et ce que i'ay encor d'auantage a doubler
C'est que la lascheté & mollesse herculee.
Enscueilst icy sa derriere iournee.
Les occasions de ce faire sont quand en la

resistance l'accablement est oculaire & qu'il n'ya moyen de repousser le mal comme de vouloir avecques vne petite gondolle ou rasselletenir contre vne immense ruine deaux & Torrens a laquelle fin a dict le Poete elegiaque.

*Aullus gel-
lius.*

*Fol est qui se pouuant eschapper d'un naufrage
Combar les flots des eaux & en cõtremonr nage*

*Ouidius
de remedio
ann.lib. 1.
Homer.lib.
111a.*

Encores conuient il non seulelement son-der le guay, & faire comme Hector qui sur le doubte de combattre Achil se persuada dict le Prophete Grec.

Estre le plus certain tenter en premier lieu

Par les armes quel est le bon plaisir de Dieu.

Mais aussi qu'ilquesfois desployer ses voil-les a la mercy des vens & vagues, Qui est de se mettre au hasard, quand il ny a espoir de salut, misericorde, ou secours, auquel cas faut aller la teste baissée, & sans regarder derriere soy ainsi que fut dict par les Anges a Loth pour euitier l'extreme danger ou il estoit avecques ces considerations, que oncques ne fut dressé ne erigé, Triomphe a hõme crain-tifs & paoureux, que oncques peril ne s'est peu vaincre ou eschapper que par autre pe-ril, Dieu preste la main a celuy qui la met a l'œuvre & qui se veut aider, que son immen-se bonté ne peut aussi puissamment retirer sains & sauues du plus profond gouffre & centre de dangers qu'elle se ist iadis Ionas du ventre de la Belaine, & comme dit certain

*Genes. 19.
ou Platone
in Criris
& Suidas
ex empo-
lide.
Eschilus*

LIVRE SECOND.

autre Poete Grec.

Ny plusieurs orbes coups qui decouper les corps
S'il n est determiné, les peuuent rendre morts
Ny les malheurs mortels a tous ceux la pardon
nent

Qui iamais leur maison ny fouyer abandonent.

De ceste monnoye payerons ceux qui fai-
sans estat de seruir au temps ont voulu sug-
gerer & impropeter a nos Lircarchiques
protecteurs & chefs de la Saincte ligue ainsi
que mesmes ont cy denant fait nos contrai-
res par leurs libelles & Apologies diffama-
toires vn intempestifs remuement la France
estant calme & paisible & en laquelle les
Halcyons oyseaux qui ne haïtent la mer
qu'en temps serain ia y dressoient & bastis-
soient leurs nids. Nous proposans vne mo-
mentanee tranquillité pour nous priuer d'un
repos perdurable faute d'une briefue &
courte patience Comme si auant que parue-
nir a ceste entreprise il la conuenoit mettre
auecques eux en deliberation de conseil & si
quand ils se sont precipitamment & soins
suiect eleuez ils auoient pris nostre aduis &
entré en conference auecques nous chose
qu'ils scauent autrement qu'ils ne l'ont vou-
lu desfigurer au Roy. La Maïesté duquel n'i-
gnore qu'il est force dict saint Augustin de
recourir aux armes quand la iustice ne peut
se placer ny trouuer lieu ches son aduersaire
& qu'il ne se veut ranger à la raison, ou est

Cassado
lib. 3. varia
rum epist.
et August.
epist. 1. ad
bonifacium

requisse la celerité & precipitation pour laquelle Alexandre le grand à esté tant loué & recommandé, Ayant disent les Historiographes entrepris, pené, executé & point pareslé & de ceste façon tousiours pris au despourueu le Roy d'Arius. Ayant Iulles Cæsar faict le semblable, en toutes les entreprises hautes quelles fussent esquelles non seulement y procedoit temerairement & sans conseil (ou vn quidan appelle pour dire son aduis, peut deceler vne deliberation a la ruine & confusion de ceux qui l'ont a bonne intention proposee.) Mais qui plus disoit ne deuoit estre les choses consultees dont la consequence & grande force de l'execution requeroit prompt diligence.

Ce qui meut autresfois ce Pere de la republique Romaine, dire estre inhumain voires brutal dresser & hanter par temerité & gayeté de cœur les armées, & venir aux mains avecques son ennemy, sinon en cas d'extreme nécessité. Telle qu'il à entendue parlant contre Marc Anthoine, quand il a dict estre plus conuenable vn million de fois mourir que de ne pouoir viure en vne ville & pays sans l'usage des armes & subiection tant de la fatigue d'icelles que mutuelles desmances, ou nous deuons dil-il combattre avecques resolution de preferer la mort a la honte & seruitude.

Côme de tolerer deux contraires religions 9

LIVRE SECOND.

R.ég. 18.

Gregorius
Turonens.
lib.2.c.37.

M. Gabriel
desaconay

pour l'incomparabilité desquelles se sont de
tout temps fauts plusieurs grans remuemens
& guerres. Premièrement es temps de Moy-
se, Samuel, Ioàs, Ioadà, Asa, Ezechias, Iesu,
Iosaphat, Iosias, Elias & autres Rois, Ponti-
fes, & Prophetes lesquels n'ont doutté de
teindre leurs blanches & sacrees mains du
sang des faux Prophetes & Idolatres, qu'ils
tueoyent & lapidoyent, Puis lors des Empe-
reurs Romains, Constantin, Valentinian,
Gratian, Theodose, Arcadius, Honorius,
Martian, Justinian, & Frideric, contre les in-
fidelles. Payens, Iuifs, Heretiques & Scisma-
tiques, lesquels ils faisoient exemplairemēt
de mort executer, Puis es regnes des treschre-
stiens Rois de France, Clouis, Charles Mar-
tel, Charles le grand, Philippes Auguste
& Louys son successeur, Contre les Goths,
Arriens, Vandales, Sarraïns, Albigeois, &
autres heretiques, voleurs & persecuteurs
de l'Eglise de la France.

Pour lesquels chasser, & exterminer ont
esté dressées plusieurs armées & batailles dô-
nées au trel-grand hazard du Royaume, ou
telle fois estoit le party des Catholiques si
foible qu'ils se trouuoient cent infidelle con-
tre l'un de eulx. Comme en la bataille que
messire Simon de Montefort chef de l'armée
Catholique assiegée dans Muret, avecques
sept Euesques, & aucuns Abbez n'ayant que
mil hommes, liura au Roy Aragon chef de
cent

rent mil hommes Albigeois, Catholeans, & Bjarinois. Ou les Euesques de Tholose & de Comnieng Carcassonne, Nîmes Vfs, *Paul. Emilius.* Lodeue, & de Beziers assistez ainsi que nous tesmoigne Paul Emille de saint Dominique & leur clergé se trouuerent & porterent la croix de laquelle fut leur petite armee beniste, faisans pendant la bataille plusieurs psalmodieuses prieres & inuocations du saint Esprit avecques merueilleux espandemens de l'armes qui penetrerent les Cieux & tant leur proffiterent que le petit nombre vainquit avecques perte d'un Cheuallier & huit hommes de pied seulement, & print la multitude fuite avecques defaict sur eux de dixhuit mil hommes, & leur chef, si que la Religion Catholique dompra & surmonta l'infidele erreur & fureur. Histoires fort au long d'escripte par maistre Gabriel de Siconay Lionnois en laquelle se voyent plusieurs choses remerables & qui se peuuent tant rapporter que seruir à ce present remuemēt.

La premiere est la ligue faicte deslors entre tous les Princes & Seigneurs Chrestiens toleree & en fin authorisee par Philippes Auguste contre lequel estoient esleuez Philippes Conte de Flandres, le Duc de Bourgogne, Guillaume Archeuesque de Reims oncle du Roy Philippes Auguste, Thibaut Conte de Blois & Estienne Conte de Sausere pour aucuns differend autres que du faict de

Religio, auecques lesquelz se ioignit Federic Empereur d'Allemagne en vindicte de ce que ledict Auguste auoit enuoyé son armee pour contraindre vn nommé Hebur de Charenton, vn nommé Imbert de Beauen, & le Conte de Chaalons à restituer les biens & possessions des Eglises qu'ils auoient usurpees sous pretexte d'une reformation, voyas leur Roy enuironné d'affaires, guerres & ennemis luy en bas aage & lors de son aduenement à la Couronne.

La seconde qu'en ceste ligue entrerent tous les Princes & Seigneurs de la Chrestienté qui esleurent messire Philippes de Montfort chef pour le grand zeile qu'il portoit à nostre Religion Catholique par l'ardur duquel feist plusieurs merueilleuses & memorables prouesses, qui seroient de long reciter. La troiesme fut la Croisade apportee en France par le legat du Pape (que tua le Conte de Tolose) & député l'Abbé de Cisteaux auecques treze autres Abbez de grand scauoir & Saincteté pour aller icelle Croisade annoncer & conuertir les heretiques. Pour quoy faire s'achaminerent à pied & sans cheuaux, auquel mesme temps vn nommé Foulques Euesque de Tholose & vn nommé Didac autre Euesque delégué du Sainct Pere pour la conuersion des deuoyez alloient de chasteau en chasteau teste & pieds nus en toute humilité & paubreté preschant & dis-

putant contre eux tant qu'ils en reduisirent bon nombre.

La quatriesme que tost apres que ladicte Croisade fut preschee & receue en France y aborderent Pelerins de toute contrée & nations portans l'enseigne de la croix & loy disans les croisez qui arriuerent peu apres la susdicte bataille de Muret, pour secourir les Catholiques comme est int la querelle vniuerselle.

La cinquiesme que par ceste vniuerselle religion & introduction de Croisade plusieurs Seigneurs heretiques eurent frayeur entre autres le Conte de Tholose lequel comperut sur vne seule sommation deuant le second legat a Valéce en d'Aulphiné, & qui par demonstration de poignante & dolente penitence souffrit faire amende honorable en chemise, puis estre batu de verges par le second legat affin d'absolution. Prestant le serment sur le sainct Sacrement pose a ses yeux parmy autres reliques d'estre en toutes choses & endroicts obeissant a l'Eglise Catholique & Romaine, & ne sesbranler, ou distraire pour occurence quelecoque de l'union d'icelle: En signe & certain tesmoignage de quoy se presenta au legat pour se croiser comme les autres, & feist quelque temps contenance de courir sus aux heretiques affin de recouurer par ce moyen ses biens qui tenant le Concile de Latran auoient esté adiugez

LIVRE SECOND.

au Conte de Montefort. Auquel Concille furent les biens des heretiques declarez confiscuez & ordonne que les catholiques qui se croiferoient pour exterminer les heretiques iouiroient de semblable preuilege que ceux qui vont à la defense de la terre Sainte contre les Turcs.

La sixiesme qu'apres telles solempnelles protestatiōs voyāt ledict Conte que l'octroy de l'entiere restitution de ses biens luy estoit différé iusques à vne grande certitude de sa reduction tant par le Roy que par le Saint Pere vers lequel il auoit à cest effect recouru ne doubta de reuestir sa vieille peau & de recidiuer en plus grandes cruantez que iamais contre nostre Eglise & propugnateurs d'icelle, si que apres plusieurs trahisons & secretes pratiques d'hommes, il reconquist plusieurs places auparauant conquisees par le Conte de Montfort, meismes la ville de Tholouse. En quoy parut ce relaps tel que vn Zopire qui pour trahir les Babiloniens & leur donner subiect de luy commettre la garde de leur ville, biens & personne s'estoit couppé nez & oreilles, & faict a eux entendre l'auoir le Roy Darius ainsi mutilé, Ce qui est grandement a craindre en nos deuoyez, & que par vne feinte reduction & reunion a nostre Eglise ils nous enuoloppent dit le Prophete Ezechiel es Rhets par eux de si longuemain tendus. La septiesme

que nonobstant qu'il fut attesté par Iourdain lors Abbé de Saint Sernin & aucuns des croisez de Saint Jean de Hierusalem auoir ledict Conte de Thollose eust repentance à sa mort & baïse par grande affection & par diuerfes fois la croix si ne voulut on neantmoins iamais permettre qu'il fust ensepulture en terre Sainte quelques grandes prières que son successeur & fils reduict a nostre religion Catholique en feist lors qu'il se reconcilia avec le Pape & le Roy de France d'autant que ledict vieil Conte auoit esté excommunié par decret dudict Concile de Latran.

La huietiésme que le Roy Loys successeur d'Auguste fut par les Catholiques requis & semond de se croiser Ce qu'il feir, ensemble tous les Officiers de la Couronne & Conseillers d'estat.

Que si par ce discours vne petite pongnee de gens n'a iamais voulu souffrir nouuelles sectes de Religions que deuons nous faire a present que sommes cinq cens Catholiques contre vn Heretique? Il n'est à presumer que si nos contraires auoyent pareil auantage ils feussent si aïsez & maniables que de nous permettre la liberté de conscience qu'ils demandent au Roy, la Maïesté duquel leur peut respondre ce que autrefois Saint Augustin a *donatus* & autres les confreres. *Pl. vous des-*
plais (dict-il) d'estre attiré au salut. Combien que
vous ayez tiré & seduit plusieurs des nostres à ruine

*August.
epist. 204.*

& perdition. Que si vne volonte mauuaise doit tou-
 siours estre permise en sa liberte. Pourquoy est ce que
 les enfans d'Israel rebelles & rempliz de murmure,
 ont este par si grieues punitions empeschez de mal
 faire & contraincts d'entrer en la terre de promission?
 Pourquoy a este donne empeschement à Saint Paul
 d'effectuer sa mauuaise volonte lors qu'il persecutoit
 l'Eglise Chrestienne? Si la mauuaise volonte doit
 estre libre pourquoy ont este faicts & redi-
 gez par escript les commandemens de l'Egli-
 se & de la loy? A qu'elles fins tant de consti-
 tutions, loix, decretz, Canons Chapitres,
 Edicts & Ordonnance establies? Si elle doit
 estre libre pourquoy est aux scriptures Sain-
 ctes admoneste le Pere de corriger son enfant
 farouche & indiscipliné non seulement par
 parolles, mais aussi par verges, & chastieté
 pour le contraindre a estre bien morigené &
 droictement se conduire? Selon que dict le
 Sage, Tu frappes ton fils de verges mais tu deliures
 son ame de la mort. Amis ne sont pas ceux qui
 pardonnent, Ny ennemis tous ceux qui frap-
 pent; Lamy, qui le fait vtilement est prefe-
 rable à l'amy qui inutilement flatte & blan-
 dist comme estant plus certain aymer par ru-
 desse que deceuoir avecques douleur, car de
 faict qui nous desire plus de bien que Dieu.
 Et neantmoins il chastie ceux qu'il aime dit
 saint Paul, & fouette tout enfant qu'il ad-
 uoue. Qui est l'enfant que le pere ne chastie
 point? Si vous estes sans chastiment (ditt-il) duquel

Eccles. 30.

Prouerb. 23

Ca Nimium
circ. med.
23. q. 4.Paul. habr.
12.

tous sont participans, vous estes bastards & non point fils.

Suyuant lesquelles belles authoritez & exemples nous iugerons & dirons par conference du subiect à l'enfant que celui qui ne veut viure sous la discipline loy, & Religion de son Prince. Il est estranger & ennemy, & que come tel il ne doit estre tenu pour Regnicolé ne domicilié sous mesme tabernacle que le vray & obeissant subiect sinon que vn Roy fust monstrueux & Ianus a double front, encores ne pourront il les deux contenter, ne faire bien à l'un sans interresser l'autre, & donner occasion de mescontentement & enuie, ne plus ne moins que la pluye laquelle lors que profite & faict bien à la terre maigre & seche, elle nuict & faict tort à la terre grasse, glutineuse & humide. C'est pourquoy Theogus Poëte Grec a dict.

Ne Jupiter peut à tous donner ioye.

Ou que la pluye il retienne ou enuoye.

Laquelle infociable & incompatible messagerie de Catholiques & Heretiques nous tire-rons de la Iudiciaire congnoissance de l'autre monde & Royaume celeste, ou tous Anges n'ont mesme habitation, & dont Dieu le Pere precipita & dechassa ceux qui presumptueusement s'estoient voulu egaller à sa toute puissance & contre icelle esleuez & rebellez. Ce que nous figurent les Poëtes par la description de la race Titaneë & Geansteles

H iij

LIVRE SECOND.

que Titius Mimas, Typhée & les autres representas Sathá, Belzebuth, Lucifer, & mauvais Anges qui voulurent forcer le Paradis & Maison Olympique.

*Georgius
Sabinus.*

De la vient que toute conspiration de grâs & ayans autorité en vne république & Conseil d'estat est dicté Gigantomachie laquelle ne se peut aisément faire que sous le pretexte & manteau du bien public, ou fait de Religion, Que s'il aduient qu'une République & Monarchie soit si bien regie, & la Justice si equitablement rendue qu'il n'y ait subiect de mutination & murmure pour le puissant ambitieux & sectaire force luy est de prendre la couuerture de Religion & pretendre d'innouer ou retrancher les ceremonies de l'Eglise sous laquelle fausse feuille & couleur s'esleuent liguent, & attentent à l'estat ceux qui sont les plus proches & habiles pour succeder & paruenir à vne Corône.

*Histor. tri-
part. lib. 7.
cap. 3. Ni-
ro. cap. 39.*

Ce qui meut autresfois l'Empereur Iouiniand de ne vouloir accepter l'Empire que premierement tous ne protestassent d'estre Chrestiens & Catholiques comme luy. Et non sans cause, car les conspirations estoient lors si frequentes contre l'estat que peu d'Empereurs s'en pouuoient redimer ne garentir. Preuoyant très-prudemment c'est Empereur que la diuersité de Religions faisoit planche à toutes seditions & enuuysemens esquelz vn homme de basse qualité, ou comme nous rapporte Erasme d'un Androclides pris par luy

luy pour vn Faquin se faiet chef & suyure
comme vn Roy:

Par ceste pature & acoustrement de religion deux freres nommez l'vn Amethes l'autre Muleamethes fils d'vn Zidamethes Marchant d'Espiceries & confitureries dans le royaume de Dara (chose à la verité prodigieuse pour ce siecle) sont na pas long temps paruenuz à plusieurs amples royaumes, freres lesquels (dict l'historien) apres auoir fait profession de regenter & instruire les enfans es lettres Arabiques, sont admonestez par leur pere (qui par sciéce iudiciaire & Astrologique en laquelle il estoit tres-expert preuigeoit leur fortune) de voyager au loing & aller en Mecha & Tanalbis pour visiter le sepulchre de Mahomet ou ils sacheminét & pour ce faire passent la mer rouge, descendent en Hierusalem iusques en Bizance, de la viennent en Affrique, s'arrestent quelque temps en Timetus ou commencent d'estre grandement reuerrez & en toute la Prouince tant à raison qu'ils estoient allez deuotieusement visiter les vicils monumens Hebraïques, que par leurs blancs habits recogneuz pour Mahometans & de la lignee de Mahomet de laquelle il se disoyent descendus. Si qu'ils contractent amitié auecques les Arabes Regules, s'adonnent aux armes, se liquent, attirent a eux les habitans & Roy de Fessan, de la Tingitane & Cesarienne ou

*Paul. Iok
in lib. ele-*

go.

*Theuesus
in cosmo-
graph.*

LIVRE SECOND.

autremēt Imperialle Mauritanie, font guerre
a Buccentuffus Roy de Maurochus princi-
palle ville & Prouince de ladiēte Mauritanie
distantē du mont Athlas enuiron de trente
mil pas qui valent xv. lieuēs. Si que Buccen-
tuffus assiegē est contrainēt se rendre a com-
position, laquelle luy est violee par Amethes
l'aîné des deux freres qui le tue & s'empare
de son Royaume. Ce faict le puisné surnom-
mé Scyriffus qui en langue Arabique signifie
vne personne Saincte & deuote passe le mōt
Athlas tres-opulent Royaume nommé Suzie
lequel il enuahist & occupe de force. Non
content de c'est ample Royaume, il enuie sur
son frere Amethes le Royaume de Mauro-
chus & le luy oste a condition qu'il regnera
ēs pays de Darce & Staffilité que peu aupara-
uant ils auoyent conquis a frais & forces
communes, ceste cupidité n'est encores allēs
ressasiee de ce Royaume de Mauroch⁹ qu'il
ne vueille encores puis apres ietter l'œil d'é-
uie sur le Royaume de Fessan, duquel non
moins par dol que heur des armes, il chasse
aussi son frere Amethes, destruiēt & rase le
fessan pour dresser son Trofne en Sala
Expulsē le Roy de Trezemenie, guerroye
incessamment les Lusitains par si heureux
sucees qu'il prend les villes & places d'A-
mazor, & Ghee ou le Roy fessatus est deffait,
& le Roy Muleboasōn qui l'auoit secouru,
despouillé de Velefie ville proche des Gades

en sorte que miserablement priué et de son pays & de son œil droict qui luy fut créué, il se sauue en Hespagne & de là va en Allemagne demander à l'Empereur secours, luy donnant l'espouuente, & rendant ce Scyriſſus merueilleusement redoutable. Histoire amplement discourue dans Paul Ioué par laquelle il enseigne les Rois de donner ordre que la Tolerance de diuerses Religions ne suggere occasion de cruelles & implacables guerres, Lesquels pourront tirer encores autre belle instruction de ce que Tite Liue, Valere le grand, & Pline nous recitēt estre aduenue sous le Consulat de Cornélius & de Blebius, que furent deux coffres trouuez par certains fossoyeurs dans vn champ appartenant a vn nommé Pētilius escriuain, en l'vn desquels estoit le corps de Numa Pompilius & en l'autre sept liures en Latin intitulez le droict Pontifical, ou des Pontifes, & sept autres en Grec de l'estude de sapience, par lesquels il destruisoit non seulement les dieux des Rommains que luy mesmes auoit pour regner instituez, mais aussi des autres peuples pour raison de quoy le Senat assemblé fut daduis de faire lesdicts liures bruisler de peur de innouation & changement en la religion consequemment en l'estat.

C'est icy que le Seigneur Roy de Nauarre qui defaillant la lignee du haut tige des Vallois (laquelle Dieu veuille faire fructifier à

*Titus. Li-
nius. Dec.
4. lib. vtr.
Valere lib.
1. plin. lib.
13. Augusti
lib. 7. cap.
14. de Cāt.
De.*

LIVRE SECOND.

son honneur & soulagement du peuple François) se pretend heritier & successeur de la Couronne doit preuoir & preiuger que quād il y seroit paruenue en son accoustumé exercice de Religio nouvelle pourroit le Seigneur Prince de Condé son presump̃tif heritier luy rompre la paille & prendre le party des Catholiques pour la seule cupidité de regner laquelle hors ce beau & apparent subiect de Religion, nous lisons auoir occasionné infiniz meurdres & assassins, mesmes en tous les plus proches degrez de consanguinité. Et meū (comme nous recitent les escriptures Sainctes) Adramiel & Sarazar de tuer leur Pere Sennariq' Roy Assirien au conspect de tout le monde, & mesmes en vn temple. Abimelech fils de Ierobaal de faire perdre la vie à soixante deux de ses freres, afin de regner seul, & comme aussi par le tesmoignage des histoires Prophanes le semblable en ont fait, Domitian Empereur qui tua Flavius Clement son ayeul paternel, Artaxerces surnomé Mnennon qui tua Darius son fils qu'il accusoit de conspiration, Ptolomeus Auletez Cleopatre sa fille & Archelaus mary d'elle esleus par les Egip̃tiens pour leur commander, Herode Roy de Iudee trois de ses enfans, Alexandre Aristobulus, & Antipater, pour auoir voulu attenter a son estat. Deiotarus tous ses enfans fors vn pour le faire plus grand & ne diuiser son Royaume, Siro-

4. Regum

19.

Tranquil-
lius.

Trogus lib.

10.

strabo lib

17.

Macrobius

lib. 7.

Cælius.

che qui auroit tué son Pere Cosroes Roy des
 Perses aagé & decrepité qu'il fust pour auoir
 institué par son testament Medorses son fils
 Puisné Roy, Heraclius Empereur tue son pe-
 re Phocas, Mâsfredus son Pere Frederic aussi
 Empereur, Ardeius Tyran de Pamphilie fait
 le sèblable Moysè Turcq son nepueu Orca-
 nes Roy de Turquie duquel il estoit tuteur,
 Alexius son frere Isacius Empereur, Attila
 Roy de Pamnonie son frere Buda, Theodo-
 ric son frere, Theodebert fils de Chilperic
 Roy de France, Perrin de Fregouse Prince
 Gencuois son frere Nicolas, Amulius fils du
 Roy Porca Rodes Albanois son frere Nu-
 mitor, & plusieurs autres qui se sont pour ce
 seul regard entretuez comme Etheoclez, &
 Polysticez enfans de Oedippus.

De dire que les Pollonnois, Suisses & Al-
 lemans admettent pour viure en repos tou-
 tes sectes & aduersité de Religiôs Nous res-
 pondrons que si les Roys se veulent à eux
 regler ils se doiuent resoudre de n'auoir en
 fin plus de Couronne n'y de souueraineté, &
 de s'assuiection, voire esclauer au lieu de cõ-
 mander: Car tout ainsi que ces nations bru-
 telles & barbares n'ont iamais voullu obeir
 aux commandemēs de Dieu & de son Eglise
 Catholique ains auoir leurs ames & volon-
 tez libres, Aussi le semblable en ont ils voulu
 faire de leurs corps & biens lesquels ils ont
 affranchiz de la seruitude des Roys ayans les
 Allemans & Suisses cantonné leurs pais, &

*Id est Vala-
terr.*

*Baptist. E-
quatus.
plato lib. 1.*

*de repub.
Volaterr.*

*Ouid. lib. 4
de fust.
Vergil. lib.
ne Culice*

LIVRE SECOND.

les Pollonnois tellement faict la Loy à leurs Roys qu'ils ne leur ont laissé que le non & l'honneur & a eux réservé toute l'autorité & puissance. Qui n'est autre chose qu'une Monarchie bastarde, en ce qu'elle participe & de l'Aristocratie qui est en peu de personnes nobles, riches, & choisiz entre les plus gens de bien, & de la démocratie qui est l'estat populaire. Postposables à la Monarchie laquelle est la plus certaine & supportables mesme par l'advis de Platon, Aristote, Apolloine, Sainct Ciprian, & Sainct Hierosime comme se rangeans aux exemples de nature & iugeans que ainsi qu'en l'univers il ny a qu'un seul souverain Dieu, entre les estoilles vn soleil, entre les aueilles vn Roy chef entre les grues, & vn conducteurs des troupeaux, aussi qu'il n'y doit auoir qu'un Roy en la republique qui soit ainsi que vn chef auquel tous les membres s'accordent.

Par la pourront Messieurs les Princes qui se pretendent successeurs de la Couronne iuger comme ceste canaille de ministres qui leur faict resister au Sainct Esprit & à la verité non seulement leur ferment la porte du Royaume des cieux & oste la clef de science pour y entrer (perte innumérables fois plus grande que de toutes les Monarchies du monde) Mais aussi le passage & moyes de iamaïs paruenir à l'Estat Royal.

De vouloir repliquer que Gratian lequel

Luc. 6.

Rom. 2.

Act. 7.

nous mettons au rang des Empereurs Catholiques, & qui deschassa mesmes les Ariens des Eglises pour les restituer à leurs vrais Euesques & Prelats feist de son regne Edict par lequel il permettoit à vn chascun de viure selon son opinion, hors mis les Manichees Photinians & Eneuonians nous respondrons auecques Nicephore que c'estoit pour tascher a reunir les autres qui n'estoit si discordantes. Mais voyons quel fruit apporte c'est edict: Aduint que incontinent apres les Macedoniens qui denioient la puissance & diuinité du Saint Esprit commencerent auec plusieurs autres à exciter nouueaux Scismes en l'Eglise, & a se rediuiser & desunir entre eux qui s'assemblerent en Antioche ou ils renouellerent l'erreur Arrienne & ordonnerent que ce mot consubstantial seroit osté du symbole comme n'estant contenu es escriptures saintes & que plus ne communiqueroient auecques les Prelats Catholiques.

Or puisque noz manieres de viure, noz doctrines, & noz creances, sont differentes, & que ne pouuons ensemble symboliser de volonté & d'esprit. Pourquoy establirons nous vne confraternité & cōcitoennité du corps & du demeurant qui nattire que corruption. Ne feroit il pas mal au cœur de veoir les libertins publiquement manger de toutes sortes de viandes, crapuler, & masquarader, no?

LIVRE SECOND.

ieusnans le Carefme, ne vſans que de poiſſon & faiſans penitence? Ne ſeroit ceſpas endurer vne marque & deriſion que nous celebrans le iour de la ſaincte Cene & Paraceue en toutes deuotions: & aumoſnes, en veoit chanter, rire danſſer, chaffer, & iouer? Qui ſeroit ſi patient qui ne ſen ſcandalifaſt? Qui ſeroit ſi deuotieux qui ne ſeuſt diuertý & attiré à emotion & ſedition? Qui ſeroit celuy qui ſe vouluſt auoiſiner de telles gens:

2. *Corinth.* (Ne vous accouplez point dict l'Apoſtre)
6. avecques les infideles. Car qu'elle accointance peut il auoir de la lumiere avec les tenebres? de Ieſus Chriſt avec Belial? ſeparez vo^{us} (dict-il) de tous freres cheminans deſordonnement & non point ſelon la tradition qu'ils ont receüe de nous! Retirez vous de ceux qui font diſſentions & ſcandales contre la doctrine que vous auéz appriſe. Ces obſervances auoient anciennement tant de vigueur que les Apoſtres & diſciples ne vouloient ſeulement pas cõmuniquer de parole avecques ceux qui auoient deſaué la verité meſmes qu'eſtant Saint Iean l'Euangeliſte autresfois allé aux bains de Ephẽſe ſen reuint & rebroſſa chemin ſans ſe lauer ſcaichant Cherintus heretique ſi l'auoit. Que ſi nous auons ces commandemens de l'Egliſe & Apoſtres, & que tant de Saints Prophetes ayent pour ce ſeu ſuiet prins ce couſteau & de leurs propres mains occis & mis à mort

2. *Corinth.*

6.

2. *Teſſal.*

3. *Tite.* 3.

Rom. 16.

Diu⁹ irene-

us lib. ad.

uerſ. heres.

3. *cap.* 3.

Diu⁹. oly-

carpus

marrir de

ſanct. ioan.

Baptiſt.

à mort les non croyãs & idolatres pourquoy
 sont ces reprouuez eshontez de faire requē-
 rir le Roy par Messieurs les Princes qu'ils
 possédēt de les souffrir viure parmy nous en
 leur liberrine façon veu que si nous sommes
 tels que a bon droict les reputons, ils doyēt *Lucianus*
 suyuant les commandemens de la loy non *& Vegeti*
 seulement nous fuyr. Mais aussi nous trou- *lib. 3. cap. 1.*
 blier le repos, & la paix de laquelle Sainct
 Iean Chrysostome nous deconuie quād Dietr
 & la Religion sont offensez ou il faut dict-il
 persũtant iusques à la mort preferer verité à
 paix puisque aussi bien il faut dist *vegetius* *Cice. 3.*
 en icelle preparer la guerre. Car la paix sous *Philippic.*
 laquelle auons depuis quelques annees lan-
 gay & viuoté à tousiours tenu caché en son
 seing vn chaud braizier de guerre qu'il nous
 faut faire pour auoir dict *Ciceron* vne paix
 perdurable, avecques resolution que si nous
 succumbons & perdons iamais n'en aurons
 d icelles iouissance. Gisant la paix en volonté
 & la guerre en necessité pour en estre (selon
 Sainct Augustin) de Dieu deliurez, & par luy
 en paix conseruez laquelle ne doit estre cer-
 chee pour exercer la guerre. Mais bien la
 guerre exercee pour la paix acquerir. Pour *C. Noli*
 estre disent les Canonistes en guerroyant *existimare*
 paisible pour combattre noz aduersaires & *23. quasiis*
 les ramener à l'vniõ de la paix nous demeu- *& can.*
 rans victorieux. Aquoy doiuent tēdre toutes *Apud ve-*
 noz intensions, & operations, principallemēt *res.*

LIVRE SECOND.

en guerre intestine que nous auons fort à craindre & fuyr par ceste proposee obseruance tant des anciens Romains que Hetrusques lesquels auoyent erigé les Temples de Mars & Bellonne leur Dieu, & Deesse de guerre au dehors de leurs villes pour monstrier que les armés n'auoyent esté forgees pour s'en seruir és Ciuilles mais estrangeres discordes seulement. Ce que la Saincte loy ne veut auoir lieu en faict de Religion pour la defense & soustenement de laquelle il nous faut loger la paix au dehors plustost que de souffrir nouuelles & diuerses formes de prieres vraies meres & matieres de dissentions.

Ca. Perlatio
90. dist. Obiecteront ceux qui craignas les vagues recourent au quadran duquel laiguille regarde incessamment le Nort par lequel l'on congnoist le vent afin de tirer la part ou est la tranquillité, & qui prétendent la nature ne nous auoir mis au monde pour estre instrumens de nostre mort. Que comme les Princes & Seigneurs Romains qui tuerent Cesar, osterent bien du meilieu le Tyran mais ne peurent pas oster la Tirannie d'autat que tost apres se meut debat pour l'Empire entre Auguste & Marc Anthoine pour la dispute duquel furent en armes l'Europe l'Asie & l'Afrique. Aussi tant de guerres carnages & executions de Iustice faictes depuis la mort de nostre Sauueur iusques a huy n'ont peu deraciner les erreurs Scismes & heresies

que tousiours ne pullulassent, & reiettassent, de maniere (disent ils) qu'ils nouscōuiendroient resoudre de viure a iamais en toute inquietude trouble & fascherie.

Pour les contenter leur ferons de la terre le fossé & les payerons de l'occasion du mesme mal pour laquelle les Saincts Docteurs ont dict estre au tresgrand proffict des fideles que l'occasion de combattre leur est reseruee & a icelle fin que la creance & sainteté qui pourroit estre en eux ne les face enfler d'orgueil pendant que leur infirmité est persecutée & affligée

Qui a meu le Psalmiste d'exclamer contre les puissans ennemis du peuple par ces mots. O Seigneur remply leurs faces de vergongne & de honte, car ce sera lors que plus volontiers te cercheront & respecteront voullant dire que l'affliction nous deueloppe & desfile de nôbre infini d'erreurs esquels trespuchons & cheons par oubliance. Aussi ue comme nous enseigne Sainct Hierosme il est tres-malaisé voire impossible que puissions iouyr des biens presens & à venir, remplir icy bas nôtre ventre & au ciel nôtre ame & passer des delices aux delices. Pour laquelle consideration disoit S. Augustin au Chrestien affligé si l-te souuient des promesses du pere celeste tu ne craindras point d'estre en ce monde fouetté & flagellé, mais bien plustost d'estre en l'autre exheredé instruction que

*prosperus
lib. 1. de
vocat. gér.*

psal. 83.

*Diuus hieronymus
Epist ad Iulianum
tom. 1.*

*Diuus August. in
psal.
Roman. 51.*

LIVRE SECOND.

Sainct Paul a baillee a nos antiens Peres
cap. 31. & quand il a dict nous gloriffions nous mesmes
32. Diuus en nos tribulations, scachans que la tribula-
Hier. cpist. tion engendre patience, la patience l'espreu-
ad Iul. 10. ue, & l'espreuue l'esperance laquelle ne con-
1. Diuus. fond iamais, dont nous auons exemple en
Chrisost. Iob, & comme il fut sur le point d'estre de-
home. 51. in liuré de la credene de perpetuelle langueur
cap. 14. ce fut lors qu'il luy suruint le plus de trouble
mathee 10 & ennuy que si nostre deliurance est tarde &
mo. 1. lente a venir, nous deuons croire dit Sainct
Iob. 71. Iean Chrisostome, que Dieu le faict pour
psal. 43. nous rendre plus forts, & prendre consolati-
 on tant sur ce que disoit ce bon Patriarche
 de nostre vie humaine, qu'il estimoit non
 seulement pas vne figure de guerre mais la
 guerre mesme que sur ce que chantoit Da-
 uid, quand il se reconnoissoit voué & de-
 siné aux autels de Dieu, ainsi que la brebis
 d'occision. C'est pourquoy se compare &c.
 compare la Religion Chrestienne a la Nefs
 deça dela, par vens & flots tourmentee &
 agitee; Le gouuernal de laquelle fut premie-
 rement baillé ce Sainct Pierre l'Apostre par
 nostre Redempteur qui le premier & au plus
 fort de la furieuse rage des Torrens sy est
 embarqué & suby le peril, Nous monstrant
 que ce n'estoit en ce monde qu'il vouloit
 dresser le bastiment de nostre repos lequel
 ses precurseurs mesmes n'y auoient peu edifi-
 fier ce que le Prophete Dauid nous enseigne

par plusieurs psalmes esquels il fait prier a Dieu. Maintenant a ce que soyent estaints ses ennemis, il sorte d'exil & retourne en son pays, Maintenant a ce qu'il soit preserue des trahisons & proditiōs des Ziphites, & maintenant pour le peuple & l'Eglise de Dieu naturee dextremes afflictions tant par Saul, Antiochus, Babiloniens & Siriens que Moabites, Idumees, & Palestins, puis pour nous exhorter de prendre cœur & de ne nous couler sous la pesanteur des aduersitez & preuuer que Dieu veut iournellement faire de la forteresse de nos constances & creances avecques certaine esperance de tres-heureuse & tres-desiree yssue chante & descrit tantost les recongnouissances du secours, enuoyé à la Sainte Cité de Hierusalem tousiours preseruee par la deité. Tantost les remerciemens des insignes victoires donnees du Seigneur sur ces capitaux ennemis, & gaing des batailles emportees sur les Siriens, Idumees & Mahometans, & tantost les actions de graces pour la deliurance de la Tirannie & oppression de Saül & Palestins, liberation de la captiuité Babilonienne & restitution des Israëlites en leurs pays, apres toutes lesquelles prieres & hautes louanges, il nous represente vne supreme vniuerselle & solide victoire, paix, & resiouissance a la fin de nostre vie & de ce monde. Nous promettant d'estre eternellement beatifiez en

Psal. 6. 17

20. 54. 56.

69. 70. 83.

100. 123.

143.

Psal. 9.

21. 46. 60

68. 76. 144.

147. 148.

149. 150.

150.

LIVRE SECOND.

l'autre. Qui demonstre assez deuoir nostre Eglise Chrestienne & Catholique tousiours estre vigilante & militante pour la conseruation & fermeté de sa foy, laquelle dict le mesme Psalmiste pour estre par fois ou incessamment agitée & combatue ne peut toutesfois estre iamais vaincue, au contraire plus est fortifiée & enracinee ne plus ne moins dict le Poëte.

Psalm. II.

Vergilius.

*Perius Valerianus.
lib. 51.*

*August.
Homel. 10.*

*Que Boreas & des Alpes les vens
Par grande escouffe, & par forts soufflemens
Deçà dela lon entend se combattre
Pour le vieil chesne arracher & abbatre
Qui plus resiste.*

Aussi est il descrit & prins és Hieroglyphiques pour vne impugnable force & permanente stabilité en laquelle nous deuons les armes au poing & par impitoyable guerre maintenir nostre Religion cessant lequel point il n'y a à la verité chose en ce monde qui doie estre plus religieusement & meurement deliberee attendu le hazard du ieu auquel il n'est loisible deux fois fallir, & qui autrement ne peut qu'il ne soit d'une part & d'autre perilleux tant au vainqueur que vaincu de maniere qu'auant toucher & remuer ce det chancelleux conuient tenter tous moyens de s'en pouoir abstenir, & plustost remettre & quitter (dict Saint Augustin) la pluspart du sien & de sa commodité. Ce que le Roy a faict iusques, a present, & non seulement

baillé places & villes & accordé telles feuretez que les deuoyez ont voullu, mais aussi apres auoir longuement porté sur le dos la cuirasse de patience tasché tant qu'il a peu de les remettre au vray & droict chemin, lequel exemplairement il a luy mesmes pris avecques la plus grande Sanctimonie & austerité qui ait oncques esté veüe, brief fait tout deuoir de les rappeler par douceur a l'imitation de ce braue & genereux Cesar qui faisoit la plus part de ses cōquestes plus par benigne attraction que sanguinaire effusion, Mais au lieu d'estre venus a repentance, d'auantage se sont endurcis & obstinez, au lieu de se reformer & cōformer au bonnes mœurs de leur Prince ont prins toute autre contraire maniere de viure, Au lieu d'aggrandir & amplifier la souueraineté Royale ils l'ont Eclipsée par la retention des places qu'ils se sont reseruees, au lieu d'obeir tousiours voulu faire ainsi que les antiens vallets & subiects de Sirie qui comme Gouverneurs Rois & Empereurs commandoyent aux armées Prouinces & Polices, ou leurs Maistres chez eux seullement, & au lieu d'embrasser le public repos, se sont infinies fois esleuez, felonenez, cantonnez, & rendu la pluspart des villes comme estrangeres, frontieres, & limitrophes. Qui pis donne exemple a aucuns factieux d'en faire le semblable, & de planter au Royaume vne Anarchie qui est de vouloir

L I V R E S E C O N D.

vn chacun commander , ayans plus que trop audacieusement eux clos , nous declos , eux armez , nous descouuerts & nuds , assis & posé à nos yeux la garde & sentinelle , sonne à nos oreilles la Diane & faict iournalles ouuertes & clostures de portes Citadines hostilement & au bat de tambour & nous tenans pour estrangers ou ennemis. Encores non contens pratique ligues & forces estrangeres contre nous & nostre Eglise , à la subuersion de la guerre , oculairement ils se preparent chercheans chacun iour propre subiect & occasiō qui leur viendroīt fort à main & souhait , si l'estat public estoit successiue-ment deuolu à ceux desquels ils font leur rempart & forteresse , Si que chacun regnicole est entre le marteau & l'enclume , entre l'esperance & desespoir & entre la mort & la vie laquelle deppend de l'extermination de l'vne ou l'autre Religion , si que la vie & salut de tant de Catholiques que nous sommes ne tient que à vn petit filet , si que perissons tous par la mort d'vn seul , si que faillant le Roy dont Dieu nous veuille par sa diuine bonté preseruer toute nostre Religion faut & perist.

Cest doncques à nous d'entrer en sentinelle & faire bon guet , cest à nous de penser profondement à nos affaires , Cest à nous de preueoir que l'estat & controuerse de la cause est de scauoir si nous deuōs viure ou mou-

rir, si nous sommes enfans spirituels de Sara ou Agar, si nostre Eglise est l'espouse de dieu ou non, si nous sommes ses enfans legitimes ou bastards, si nous seront admis a la resignation des Offices & dignitez Royales ou exclus, si nous seront banniz ou non. Si l'interpretation & execution de la rigueur des droicts ordonnances & loix doiuent tourner a nostre seul preiudice & desauantage ou a l'entiere faueur de noz aduersaires si les cōdamnations ne seroit destinees que a noz seules pertes, & miseres. Si les conuictees & impunitiez ne seront introduictes que a maintenir la liberte & insolence de nos ennemis. Si le cousteau de la iustice ne couppera & trenchera que le seul innocent Catholique, ou s'il rebouschera contre le coupable heretique, & s'il en sera ainsi que c'est innuerable Cenee tousiours exempt, & si en fin toute nostre substance & noz biens demeureront aux heretiques ou a nous. A toutes lesquelles lamentables calamitez il nous faut resoudre si ne mettons puissantes barrieres & hautes chaussees au deuant de tels furibonds Torrens, ou si pour nous en garentir ne voulons quiter la part que nous esperons en la Celeste beatitude pour adherer à ceux qui suiuent les troupes desolées des malheureux damnez.

Il nous cōvient doncques esuertuer à maintenir & garder la possession en laquelle nous

sommes quinze cens ans font, soustenir l'antiquité de noz tiltres & monstrent estre fondez tant sur loys diuines que politiques & confirmees par l'aduis de tant de saincts & bien viuans Papes, Euesques, docteurs & législateurs qui ont a lesclearcissement de nostre droict consumme tout le temps de leurs vies beaucoup sans comparaison plus croyables qu'un petit nombre d'auanturiers & Acephales ministres viuans desordonnement sans chef & superieur ainsi que sans regle & ordre ayans la ceruelle tellemēt Isthiomene qu'il ne se peuuēt les vns les autres accorder leurs erronees opinions comme ont fait d'une mesme consonance & vnison les Prelats & docteurs de toute la Chrestiennerie & aux quatre Conciles generaux tenus & assemblez pour la resolution des points controuersées en nostre Religion, laquelle selon l'oracle d'Apollon & responce faite aux Atheniens nous deuons tousiours conseruer en ses loix & costumes antiques Oracle que le Roy tant de son propre mouuement que tressage aduis de Messieurs les Princes & officiers de la coronne s'est en fin resolu de faire inuiolablement garder nonobstant autres nouuelles declarations ou concilles requis par les deuoyez sous ombre de quelques pretendues maluersations & mauuais exemples d'aucuns Ecclesiastiques lesquels ne sont (ainsi que la Maiesté à sainctement

recongneues par son premier & second edict de reunion & restrinction des six mois) valables moyens pour corrompre l'integrité de nostre Religion non plus que le mauuais comportemēt du Iusticier l'equité des Loys, A laquelle fin a dit certain Poëte Grec.


La Justice qui nous maintient


Toutes vertus en soy contient


Theocus

Car de vouloir regarder d'un laid & corrompu œil les choses saines & entieres, ainsi que l'on feroit celuy qui les a voulu corrompre & vitier c'est doubter de la bonté de ce qui est parfait & se monstrier vuide non feulement de Dieu & de Religion Mais aussi de raison & entendement, comme estant par l'aduis du Philosophe Hierocles Maxime necessaire & infallible que celuy qui n'a point de Dieu & de Foy certaine & asseuree n'ait point de Iugement & sagesse, & celluy qui n'a iugement n'ait comme hors de sens point de Dieu & de Religion principal fondement des Royaumes & Monarchies.

*Hy ..
in aurea
pythab
carm.*







6

